

# Universitätsbibliothek Wuppertal

**Renati Des-Cartes Principia Philosophiae**

**Descartes, René**

**Amstelodami, 1664**

Dissertatio de methodo recte utendi ratione, et veritatem in scientiis  
investigandi

---

**Nutzungsrichtlinien** Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.

Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1384](http://urn:nbn:de:hbz:468-1-1384)

## DISSERTATIO

De

## METHODO

rectè utendi ratione,

*Et veritatem in scientiis investigandi.*

**N**ULIA res æquabilius inter homines est distributa quām bona mens: eā enim unusquisque ita abundare se putat, ut ne quidem illi qui maximē inexplebiles cupiditates habent, & quibus in nulla unquam alia re Natura satisfecit, meliorem mentem quām possideant optare consueverint. Qua in re pariter omnes falli non videtur esse credendum; sed potius vim incorruptè judicandi, & verum à falso distinguendi, (quam propriè bonam mentem seu rectam rationem appellamus) naturā æqualem omnibus nobis innatam esse. Atque ita nostrarum opinionum diversitatem, non ex eo manare quod simus aliis alii majore rationis videnti, sed tantum ex eo quod cogitationem non per easdem vias ducamus, neque ad easdem res attendamus. Quippe ingenio pollere haud sufficit, sed eodem recte uti palmarium est. Excelsiores animæ, ut majorum virtutum, ita & vitiorum capaces sunt: Et plus promovent qui rectam perpetuò viam insistentes, lentissimo tantum gradu incedunt, quām qui sāpe aberrantes celerius gradiuntur.

Ego sanè nunquam existimavi plus esse in me ingenii quām in quolibet ē vulgo: quinimo etiam non rarò vel cogitandi celeritate, vel distinctè imaginandi facilitate, vel memoriæ capacitate atque usu, quosdam alios æquare exoptavi. Nec illas ab his alias dotes esse novi quibus ingenium præstantius reddatur. Nam rationem quod attinet, quia per illam solam homines sumus, æqualem in omnibus esse facile credo: neque hīc discedere libet à communī sententiâ Philosophorum, qui dicunt, inter accidentia sola, non autem inter formas substantiales individuorum ejusdem speciei, plus & minus reperiri.

Sed profiteri non verebor me singulari deputare felicitati, quod à primis annis in eas cogitandi vias inciderim, per quas non difficile fuit peryenire ad cognitionem quarundam regularum sive axioma-

I.

*Varia & circa  
scientias  
considera-  
tiones.*

tum, quibus constat Methodus, cuius ope gradatim augere scientiam, illamque tandem, quam pro ingenii mei tenuitate & vita brevitate maximam sperare liceat, acquirere posse confido. Jam enim ex ea tales fructus percepit, ut quamvis de me ipso satis demissè sentire consuerim; & dum varias hominum curas oculo Philosophico intueor, vix illæ unquam occurrant quæ non vanæ & inutiles videantur; non possum quin dicam, me ex progressu quem in veritatis indagatione jam fecisse arbitror, summa voluptate perfundi; talemque de iis quæ mihi quærenda restant, spem concepisse, ut si inter occupationes eorum qui meri homines sunt, quædam solidè bona & seria detur, credere ausim illam eandem esse quam elegi.

Me vero fortasse fallit opinio, nec aliud est quæm orichalcum & vitrum, quod pro auro & gemmis hinc vendito. Novi quam proclives simus in errorem cum de nobis ipsis judicamus; & quæm suspecta etiam esse debeant amicorum testimonia, cum nobis favent. Sed in hoc libello declarare institui quales vias in quærenda veritate sequutus sim, & vitam omnem meam tanquam in tabella delineare, ut cuilibet ad reprehendendum pateat accessus, & ipse post tabulam delitescens liberas hominum voces in mei ipsius emendationem exaudiam, atque hunc adhuc discendi modum cæteris quibus uti soleo adjungam.

Ne quis igitur putet me hic traditurum aliquam Methodum, quam unusquisque sequi debeat ad rectè regendam rationem; illam enim tantum quam ipsemet sequutus sum exponere decrevi. Qui aliis præcepta dare audent, hoc ipso ostendunt, se sibi prudentiores iis quibus ea præscribunt, videri: ideoque si vel in minima re fallantur, magna reprehensione digni sunt. Cum autem hinc nihil aliud promittam quæm historiæ, vel, si malitis, fabulæ narrationem, qua inter nonnullas res quas non inutile erit imitari, plures aliae fortasse erunt quæ fugiendæ videbuntur; spero illam aliquibus ita profuturam, ut nemini interim nocere possit, & omnes aliquam ingenuitati meæ gratiam sint habitudi.

Ab ineunte ætate ad literarum studia animum adjeci: & quoniam à Præceptoribus audiebam, illarum ope certam & evidentem cognitionem eorum omnium quæ ad vitam utilia sunt acquireti posse; incredibili desiderio discendi flagrabam. Sed simul ac illud studiorum curriculum absolvī, quo decurso mos est in eruditorum numerum cooptari, planè aliud cœpi cogitare. Tot enim me dubiis, totque erroribus implicatum esse animadverti, ut omnes discendi conatus nihil aliud mihi profuisse judicarem quæd ignorantiam meam magis magisque detexisset.

Attamen

## DE M E T H O D O.

3

Attamen tunc degebam in una ex celeberrimis totius Europæ scholis, in qua, sicuti in universo terrarum orbe, doctos viros esse debere cogitabam. Omnibus iis quibus alii ibidem imbuebantur, utcunque tinctus eram. Nec contentus scientiis quas docebamus, libros de quibuslibet aliis magis curiosis atque à vulgo remotis tractantes quotquot in manus meas inciderant evoiveram. Aliorum etiam de me judicia audiebam; nec videbam me quoquam condiscipulorum inferiorem aestimari; quamvis jam ex eorum numero nonnulli ad Præceptorum loca implenda destinarentur. Ac denique hoc sæculum non minus floridum, & bonorum ingeniorum ferax quam ullum præcedentium esse arbitrabar. Quæ omnia mihi audaciam dabant de aliis ex me judicandi, & credendi, nullam in mundo scientiam dari illi parem, cuius spes facta mihi erat.

Non tamen idcirco studia omnia quibus operam dederam in scholis negligebam; fatebar enim, linguarum peritiam quæ ibi acquiritur, ad veterum scripta intelligenda requiri; Artificiosas fabularum narrationes ingenium quodammodo expolire, & excitare; Casus historiarum memorables animum ad magna suscipienda impellere, & ipsas cum prudentiâ lectas non parum ad formandum judicium conferre: Omnem denique bonorum librorum lectionem eodem ferè modo nobis prodesse, acsi familiari colloquio præstantissimorum totius antiquitatis ingeniorum, quorum illi monumenta sunt, uteremur; & quidem colloquio ita præmeditato, ut non nisi optimas & selectissimas quasque ex suis cogitationibus nobis declarent; Eloquentiam vires habere permagnas, & ad ornatum vitæ multum conferre; Poësi nihil esse amoenius aut dulcius; multa in Mathematicis disciplinis haberi acutissimè inventa, quæque cùm curiosos oblectant, tum etiam in operibus quibuslibet perficiendis, & Artificum labore minuendo, plurimum juvant: multa in scriptis quæ de moribus tractant præcepta, multasque ad virtutem cohortationes utilissimas, contineri: Theologiam Cœlo potiundi rationem docere: Philosophiam verisimiliter de omnibus differendi copiam dare, & non parvam sui admirationem apud simpliciores excitare; Jurisprudentiam, Medicinam & scientiarum reliquas, honores & dvitias in cultores suos congerere; nec omnino ullam esse, etiam ex maximè superstitionis & falsis, cui aliquam operam dedisse non sit utile, saltem ut possimus quid valeant judicare, & non facile ab ullâ fallamur.

Verū jam satis temporis linguarum studio, & lectioni librorum veterum, eorumque historiis & fabulis me impendisse arbitrabar. Idem enim fere est agere cum viris prisciævi, quod apud exteris gentes peregrinari. Expedit aliquid nosse de moribus aliorum populorum,

ut incorruptius de nostris judicemus, nec quidquid ab iis abludit, statim pro ridiculo atque inepto habeamus, ut solent ii qui nunquam ex natali solo discesserunt. Sed qui nimis diu peregrinantur, tandem velut hospites & extranei in patriâ fiunt; quique nimis curiosè illa quæ olim apud veteres agebantur investigant, ignari eorum quæ nunc apud nos aguntur esse solent. Præterea fabulæ plurimas res quæ fieri minimè possunt, tanquam si aliquando contigissent repræsentant, invitantque nos hoc pacto vel ad ea suscipienda quæ supra vires, vel ad ea speranda quæ supra fortē nostram sunt. Atque ipsæ etiam historiæ, quantumvis veræ, si pretium rerum non augent nec immutant; ut lecti digniores habeantur, earum saltē viliores & minus illustres circumstantias omittunt: unde fit ut ea quæ narrant, nunquam omnino qualia sunt exhibeant, & qui suam vītēndi rationem ad illarum exempla componere nimium student, proni sint in deliria antiquorum Hæroum, & tantum hyperbolica facta meditentur.

Eloquentiam valde æstimabam, & non parvo Poëeos amore incendebar: sed utramque inter naturæ dona potius quam inter disciplinas numerabam. Qui ratione plurimùm valent, quiq[ue] ea quæ cogitant quām facillimo ordine disponunt, ut clarè & diltinctè intelligantur, aptissimè semper ad persuadendum dicere possunt, etiamsi barbarâ tantum Gothorum linguâ uterentur, nec ullam unquam Rhetoricam dicissent. Et qui ad ingeniosissima figura excogitanda, eaque cum maximo ornatu & suavitate exprimenda sunt nati, optimi Poëtae dicendi essent, et si omnia Poëticæ Artis præcepta ignorant.

Mathematicis disciplinis præcipuè delectabar, ob certitudinem atque evidentiam rationum quibus nituntur; sed nondum præcipuum earum usum agnoscebam: & cùm ad artes tantum Mechanicas utiles esse mihi viderentur, mirabar fundamentis adèd firmis & solidis nihil præstantius fuisse superstructum. Ut è contrario veterum Ethnicorum moralia scripta palatiis superbis admodum & magnificis, sed arenæ tantum aut cœno inædificatis, comparabam. Virtutes summis laudibus in cœlum tollunt; casque cæteris omnibus rebus longè anteponendas esse rectè contendunt; sed non satis explicant quidnam pro virtute sit habendum, & sèpe quod tam illustri nomine dignantur, immanitas potius & durities, vel superbia, vel desperatio, vel parricidium dici debet.

Theologiam nostram reverebam, nec minus quām quiyis alias beatitudinis æternæ compos fieri exoptabam. Sed cùm pro certo atque explorato accepisset, iter quod ad illam dicit doctis non magis patere quām indoctis, veritatesque à Deo revelatas humani ingenii captum excedere, verebar ne in temeritatis crimen inciderc, si illas imbe-

## D E M E T H O D O .

3

imbecillæ rationis mæ examini subjicerem. Et quicunque iis recognoscendis atque interpretandis vacare audent, peculiari ad hoc Dei gratiâ indigere ac supra vulgarium hominum sortem positi esse debere mihi videbantur.

De Philosophia nihil dicam, nisi quod, cùm scirem illam à præstantissimis omnium sacerdorum ingenii fuisse excultam, & nihil tamen adhuc in ea reperiri, de quo non in utramque partem disputetur, hoc est, quod non sit dubium & incertum: non tantum ingenio meo confidebam, ut aliquid in eā melius à me quam à cæteris inveniri posse sperarem. Et cum attenderem quot diversæ de eadem re opiniones sæpe sint, quarum singulæ à viuis doctis defenduntur, & ex quibus tamen nunquam plus unâ vera esse potest; quidquid ut probabile tantum affertur, propemodum pro falso habendum esse existimabam.

Quod ad cæteras scientias, quoniam à Philosophia principia sua mutuantur, nihil illas valde solidum & firmum tam instabilibus fundamentis superstruere potuisse arbitrabar. Nec gloria nec lucrum quod promittunt satis apud me valebant, ut ad illarum cultum impellerent. Nam lucrum quod attinet, non in eo me statu esse putabam, ut à fortuna cogerer liberales disciplinas in illiberalē usum convertere. Gloriam verò et si non planè ut Cynicus aspernari me profiterer; illam tamen non magni faciebam, quæ non nisi falso nomine, hoc est ob scientiarum non verarum cognitionem, acquiri posse videbatur. Ac denique jam satis ex omnibus, etiam maximè vanis & falsis degustasse me judicabam, ut facile caverem ne me unquam vel Alchymistæ promissa, vel Astrologi prædictiones, vel Magi imposturæ, vel cuiuslibet alterius ex iis qui videri volunt ea se scire quæ ignorant, inanis jactantia fallere posset.

Quapropter, ubi primùm mihi licuit per ætatem, è præceptorum custodiâ exire, literarum studia prorsus reliqui: Captioque consilio nullam in posterum quærendi scientiam, nisi vel quam in me ipso, vel in vasto mundi volumine possem reperire, in sequentes aliquot annos variis peregrinationibus impendi: Atque interea temporis, exercitus, urbes, aulasque exterorum Principum invisendo, cum hominibus diversorum morum & ordinis conversando, varia hinc inde experimenta colligendo, & me ipsum in diversis fortunæ casibus probando, sic ad omnia qua in vita occurrabant attendebam, ut nihil ex quo eruditior fieri possem mihi viderer omittere. Quippe multò plus veritatis inventi arbitrabar in iis ratiocinationibus quibus singuli homines ad sua negotia utuntur, & quorum malo successu paulò post puniri solent, quum non rectè judicarunt, quam in iis quas doctor aliquis, otiosus in Musæo sedens, excogitavit circa entia rationis, aut similia

quæ ad usum vitæ nihil juvant, & ex quibus nihil aliud expectat, nisi forte quod tantò plus inanis gloriæ sit habiturus, quod illæ à veritate ac sensu communi erunt remotiores; quia nempe tantò plus ingenii atque industriae ad eas verisimiles reddendas debuerit impendere. Ac semper scientiam verum à falso dignoscendi summo studio quærebam, ut rectum iter vitæ clarius viderem, & majori cum securitate persequerer.

Fateor tamen me vix quidquam certi didicisse quamdiu sic tantum aliorum hominum mores consideravi: tot enim in iis propemodum diversitates animadvertebam, quot antea in opinionibus Philosophorum. Atque hunc tantum fere fructum ex iis percipiebam, quod cùm notarem, multa esse, quæ licet moribus nostris planè insolentia & ridicula videantur, communi tamen assensu apud quasdam alias gentes comprobantur, discebam nihil nimis obstinatè esse credendum quod solum exemplum vel consuetudo persuaserit: Et ita sensim multis me erroribus liberabam, mentemque veris rationibus agnoscendis aptiorum reddebam. Sed postquam sic aliquandiu quidnam in mundo ab aliis ageretur inspexisset, & nonnulla inde experimenta collegisset, semel etiam mihi proposui seriò me ipsum examinare, & omni ingenii vi quidnam à me optimum fieri posset inquirere. Quod felicius, ut opinor, mihi successit, quam si priùs nec à patria, nec à scholasticis studiis unquam recessisset.

II.  
Principia  
illius Me-  
thodi quam  
investiga-  
vit Author,  
regulae

Eram tunc in Germaniâ, quod me curiositas videndi ejus belli, quod nondum hodie finitum est, invitarat; Et quum ab inauguratione Imperatoris versus castra reverterer, hyemandum fortè mihi fuit in quadam loco. Ubi quia nulos habebam cum quibus libenter colloquerer, & prospero quodam fato omnibus curis liber eram, totos dies solus in hypocausto morabar, ibique variis meditationibus placidissimè vacabam. Et inter cætera, primum ferè quod mihi venit in mentem, fuit, ut notarem, illa opera quibus diversi artifices, inter se non consentientes, manum adhibuere, raro tam perfecta esse quam illa quæ ab uno absoluta sunt. Ita videmus, ædificia quæ ab eodem Architecto incepta & ad summum usque perducta fuere, ut plurimum elegantiora esse & concinniora, quam illa quæ diversi diversis temporibus novos parietes veteribus adjungendo construxerunt. Ita antiquæ illæ civitates, quæ, cùm initio ignobiles tantum pagi fuissent, in magnas paulatim urbes creverunt, si conferantur cum novis illis quas totas simul metator aliquis in planicie liberè designavit, admodum indigestæ atque inordinatae reperiuntur. Et quamvis singula earum ædificia insipienti, sèpe plus artis atque ornatus in plerisque appareat quam in ullis aliis; consideranti tamen omnia simul, & quomodo magna parvis adjuncta plateas inæquales & curvas efficiant; cæco potius & fortuito quodam

quodam casu, quām hominum ratione utentium voluntate, sic disposita esse videntur. Quibus si addimus, fuisse tamen semper ædiles aliquos in ipsis urbibus quorum officium erat procurare ut privatorum ædes publico ornatui quantum fieri posset inservirent; perspicuè intelligemus, quām difficile sit, alienis tantum operibus manum admovendo, aliquid facere valde perfectum. Ita etiam putare licet, illos populos, qui cūm olim valde barbari atque inculti fuissent, non nisi successu temporis urbanitatem asciverunt, nec ulla leges, nisi prout ab incommodis, quæ ex criminibus & discordiis percipiebant, fuere coacti, considerunt, non tam bene institutâ republicâ solere uti, quām illos qui à primo initio quo simul congregati fuere, prudentis alicujus legislatoris constitutiones observarunt. Sic certè non dubium est quin status veræ religionis, qui legibus à Deo ipso sanctis gubernatur, sit omnium optimè constitutus, & cum nullo alio comparandus. Sed ut de rebus, quæ ad homines solos pertinent, potius loquamur, si olim Lacedæmoniorum respublica fuit florentissima, non puto ex eo contigisse, quòd legibus uteretur, quæ singillatim spectatæ meliores essent aliarum civitatum institutis; nam contra multæ ex iis ab usu communii abhorrebant, atque etiam bonis moribus adversabantur; sed ex eo quòd ab uno tantum legislatore conditæ sibi omnes consentiebant, atque in eundem scopum collimabant. Eodem modo mihi persuasi, scientias, quæ libris continentur, illas saltem quæ perspicuis demonstrationibus carentes, verisimilibus tantum argumentis fulciuntur, quia non nisi ex variis diversorum hominum sententiis simul collectis conflatae sunt, non tam propè ad veritatem accedere, quām opiniones quas homo aliquis, sola ratione naturali utens, & nullo præjudicio laborans, de rebus quibuscumque obviis habere potest. Eodemque etiam modo cogitavi, quoniam infantes omnes antè fuimus, quām viri, & diu vel cupiditatum vel præceptorum consilia sumus sequuti, quæ ut plurimùm inter se pugnabant, & forte, neutra quod optimum erat, semper suadebant, & jam fieri vix posse ut judicia nostra tam recta sint & firma, quām si ratio in nobis æquè matura atque nunc, ab ineunte ætate exstitisset, eique soli nos regendos tradidissimus.

Verumtamen insolens foret, omnia urbis alicujus ædificia diruere, ad hoc solum, ut iisdem postea meliori ordine & forma extructis, ejus plateæ pulchriores evaderent. At certè non insolens est, dominum unius domûs illam destrui curare, ut ejus loco meliorem ædificet: Imò sape multi hoc facere coguntur, nempe cūm ædes habent vetustate jam fatiscentes, vel quæ infirmis fundamentis superstructæ ruinam minantur. Eodemque modo mihi persuasi, non quidem rationi esse consenteum,

taneum, ut privatus aliquis de publicis rebus reformandis cogitando, eas prius à fundamentis velit evertere ut postea melius instituat. Nec quidem scientias vulgatas, ordinemve eas dōcendi in scholis usu receptum, sic debere immutari unquam putavi. Sed quod ad eas opiniones attinet, quas ego ipse in eum usque diem fueram amplexus, nihil melius facere me posse arbitrabar, quam si omnes simul & semel è mente mea delerem, ut deinde vel alias meliores, vel certè easdem, sed postquam maturæ rationis examen subiissent, admitterem: credebamque, hoc pacto longè melius me ad vitam regendam posse informari, quam si veteris ædificii fundamenta retinerem, iisque tantum principiis inniterer, quibus olim juvenilis ætas mea nullo unquam adhibito examine an veritati congruerent, credulitatem suam addixerat. Quamvis enim in hoc varias difficultates agnoscerem, remedia tamen illæ sua habebant, & nullo modo erant comparandæ cum iis, quæ in reformatione publicæ alicujus rei occurruunt. Magna corpora si semel prostrata sunt, vix magno molimine rufus eriguntur, & concussa vix retinentur, atque omnis illorum lapsus est gravis. Deinde inter publicas res si quæ forte imperfecta sunt, ut vel sola varietas quæ in iis apud varias gentes reperitur, non omnia perfecta esse satis ostendit, longo illa usu tolerabilia sensim redduntur, & multa sæpe vel emendantur vel vitantur, quibus non tam facile esset humanâ prudentiâ subvenire. Ac denique illa fere semper ab asuetis populis commodius ferri possunt quam illorum mutatio. Eodem modo quo videmus, regias vias quæ inter amfractus montium deflexæ & contortæ sunt, diuturno transeuntium attritu tam planas & commodas reddi solere, ut longè melius sit eas sequi, quam juga montium transcendendo & per præcipitia ruendo rectius iter tentare. Et idcirco leves istos atque inquietos homines maximè odi, qui cum nec à genere nec à fortuna vocati sint ad publicarum rerum administrationem, semper tamen in iis novi aliquid reformare meditantur. Et si vel minimum quid in hoc scripto esse putarem, unde quis me tali genere stultiæ laborare posset suspicari, nullo modo pati vellem ut vulgaretur. Nunquam ulterius mea cogitatio provecta est, quam ut proprias opiniones emendare conarer, atque in fundo qui totus meus est ædificarem. Et quamvis, quia meum opus mihi ipsi satis placet, ejus exemplar hīc vobis proponam, non ideo cuiquam author esse velim, ut simile quid aggrediatur; Poterunt fortasse alii, quibus Deus præstantiora ingenia largitus est, majora perficere; sed vereor ne hoc ipsum quod suscepi tam arduum & difficile sit, ut valde paucis expediat imitari. Nam vel hoc unum, ut opiniones omnes quibus olim fuimus imbuti deponamus, non unicuique

## DE M E T H O D O.

cuique est tentandum. Et maxima pars hominum sub duobus generibus continetur, quorum neutri potest convenire. Nempe permuli sunt, qui cum plus aequo propriis ingenii confidant, nimis celebriter solent judicare, nunquamque satis temporis sibi sumunt ad rationes omnes circumspiciendas; & idcirco si semel ausint opiniones omnes vulgo receptas in dubium revocare, & velut a tritâ viâ recedere, non facile illi semitæ quæ rectius dicit semper insistent, sed vagi potius & incerti in reliquam vitam aberrabunt; Alii vero fere omnes cum satis judicij vel modestiæ habeant ad existimandum nonnullos esse in mundo qui ipsos sapientia antecedant & a quibus possint doceri, debent potius ab illis opiniones quas sequuturi sunt accipere, quam alias proprio ingenio investigare.

Quod ad me, procul dubio in horum numero fuisset, si unum tantum præceptorem habuisset, & nunquam diversas illas opiniones cognovisset, quæ ab omni memoriâ doctissimos quoque colliserunt. Sed dudum in scholis audiveram, nihil tam absurdè dici posse quod non dicatur ab aliquo Philosophorum; Notaveramque inter peregrinandum, non omnes eos, qui opinionibus à nostro sensu valde remotis sunt imbuti, barbaros idcirco & stolidos esse putandos; sed plærosque ex iis vel aequè bene, vel etiam melius quam nos ratione uti; consideraveram præterea, quantum idem homo cum eadem sua mente, si à primis annis inter Gallos aut Germanos vivat, diversus evadat ab eo, qui foret, si semper inter Sinas aut Americanos educaretur; Et quantum etiam in multis rebus non magni momenti, ut circa vestrum quibus induimur formam, illud idem quod nobis maximè placuit ante decem annos, & forte post decem annos rursus placebit, nunc ridiculum atque ineptum videatur; adeò ut exemplo potius & consuetudine quam ulla certa cognitione ducamur. Ac denique advertebam, circa ea quorum veritas non valde facile investigatur, nulli rei esse minus credendum quam multitudini suffragiorum; longè enim verisimilius est, unum aliquem illa invenire potuisse, quam multos. Et quia neminem inter cæteros eligere poteram, cujus opiniones dignæ viderentur, quas potissimum amplecterer, aliisque omnibus anteferrem, fui quodammodo coactus, proprio tantum consilio uti ad vitam meam instituendam.

Sed exemplum eorum, qui noctu & in tenebris iter faciunt, tam lento & suspenso gradu incedere decrevi, ac tam diligenter ad omnia circumspicere, ut si non multum promoyerem, saltet me a lapsu tutum servarem. Nec statim conari volui me iis opinionibus, quas olim nulla suadente ratione admiseram, liberare; sed, ut veterem domum inhabitantes non cam ante diruunt, quam novæ in ejus lo-

cum exstruendæ exemplar fuerint præmeditati; sic prius quā ratione certi aliquid possem invenire cogitavi: & satis multum temporis impendi in quærenda vera Methodo, quæ me duceret ad cognitionem eorum omnium quorum ingenium meum esset capax.

Studueram antea in scholis, inter Philosophiæ partes, Logicæ, &, inter Mathematicas disciplinas, Analysi Geometricæ atque Algebra; tribus artibus sive scientiis quæ nonnihil ad meum institutum facere posse videbantur. Sed illas diligentius examinando, animadverti, quantum ad Logicam, syllogismorum formas, aliaque ferè omnia ejus præcepta, non tam prodeß ad ea quæ ignoramus investiganda, quād ad ea quæ jam scimus aliis exponenda; vel etiam, ut ars Lullii, ad copioſe & sine judicio de iis, quæ nescimus, garriendum. Et quamvis multa quidem habeat verissima & optima, tam multis tamen aliis, vel supervacuis vel etiam interdum noxiis, adjuncta esse, ut illa dignoscere & separare non minus ſepe difficile sit, quād Diana aliquam aut Minervam ex rudi marmore excitare. Quantū ad veterum Analysis atque ad Algebra recentiorum, illas tantum ad speculations quasdam, quæ nullius uſus esse videbantur, fe extendere; Ac præterea Analysis circa figurarum considerationem tam affiducē versari, ut dum ingenium acuit & exercet, imaginandi facultatem defatiget & laedat: Algebra uero, ut folet doceri, certis regulis & numerandi formulis ita esse contentam, ut videatur potius ars quædam confusa, cuius uſu ingenium quodammodo turbatur & obscuratur, quād scientia quā excolatur & perſpicacius reddatur. Quapropter existimavi quærarendam mihi esse quādam aliam Methodum, in quā quicquid boni est in iſtis tribus, ita reperiatur, ut omnibus interim earum incommodis careret. Atque ut legum multitudo ſepe vitiis excusandis accommodator est, quād iſdem prohibendis; adeò ut illorum populorum status fit optimè constitutus, qui tantum paucas habent, sed quæ accuratissimè obſervantur: Sic pro immensa iſta multitudine præceptorum, quibus Logica referta est, ſequentia quatuor mihi ſuſcepturna eſſe arbitratus sum, modò firmiter & conſtanter ſtatuerem, ne ſemel quidem ab illis toto vitæ meæ tempore deſleſtere.

Primum erat, ut nihil unquam veluti verum admitterem, niſi quod certò & evidenter verum eſſe cognoscerem; hoc eſt, ut omnem præcipitantiam atque anticipationem in judicando diligentissimè vitarem; nihilque amplius conclusione complecteret, quād quod tam clarè & distinctè rationi meæ pateret, ut nullo modo in dubium poſſem revoſcare.

Alterum, ut difficultates, quas eſſem examinaturus, in tot partes diuididerem, quo expediret ad illas commodiſſim resolvendas.

Tertium,

Tertium, ut cogitationes omnes, quas veritati quærendæ impendem, certo semper ordine promoverem: incipiendo scilicet à rebus simplicissimis & cognitu facillimis, ut paulatim & quasi per gradus ad difficultiorum & magis compositarum cognitionem ascenderem; in aliquem etiam ordinem illas mente disponendo, quæ se mutuò ex natura sua non præcedunt.

Ac postremum, ut tum in quærendis mediis, tum in difficultatum partibus percurrendis, tam perfectè singula enumerarem & ad omnia circumspicerem, ut nihil à me omitti essem certus.

Longæ illæ valde simplicium & facilium rationum catenæ, quarum ope Geometræ ad rerum difficillimarum demonstrationes ducuntur, an-sam mihi dederant existimandi, ea omnia, quæ in hominis cognitionem cadunt, eodem pacto se mutuò sequi; & dummodo nihil in illis falsum pro vero admittamus, semperque ordinem, quo una ex aliis deduci possunt, observemus, nulla esse tam remota ad quæ tandem non perveniamus; nec tam occulta, quæ non detegamus. Nec mihi difficile fuit agnoscere à quarum investigatione deberem incipere. Jam enim sciebam, res simplicissimas, & cognitu facillimas, primas omnium esse examinandas; & cùm viderem, ex omnibus, qui hactenus in scientiis veritatem quæsiverunt, solos Mathematicos demonstrationes aliquas, hoc est certas & evidentes rationes, invenire potuisse, satis intelligebam, illos circa rem omnium facillimam fuisse versatos; mihi-que idcirco illam eandem primam esse examinandam, etiamsi non aliam inde utilitatem expectarem, quām quod paulatim assuefacerem ingenium meum veritati agnoscendæ, falsisque rationibus non assen-tiri. Neque verò idcirco statim omnes istas particulares scientias, quæ vulgo Mathematicæ appellantur, addiscere conatus sum; sed quia advertebam, illas, etiamsi circa diversa objecta versarentur, in hoc tamen omnes convenire, quod nihil aliud quām relationes sive pro-portiones quasdam quæ in iis reperiuntur examinent; has proportiones solas mihi esse considerandas putavi, & quidem maximè generali-ter sumptas, in iisque tantum objectis spectatas, quorum ope facilior earum cognitione redderetur; & quibus eas non ita alligarem, quin facile etiam ad alia omnia quibus convenienter, possem transferre. Ac deinde quia animadvertis, ad ea quæ circa istas proportiones quærun-tur agnoscenda, interdum singulas separatim esse considerandas, & interdum multas simul comprehendendas & memoria retinendas; ex-istimavi, optimum fore, si tantum illas in lineis rectis supponerem, quoties singillatim essent considerandæ; quia nempe nihil simplicius, nec quod distinctius tum phantasæ tum sensibus ipsis posset exhiberi, oc-currebat; atque si easdem characteribus sive notis quibusdam quam

brevissimis fieri posset designarem, quoties tantum essent retinendæ; pluresque simul complectendæ. Hoc enim pæcto, quicquid habent boni Analysis Geometrica & Algebra, mihi videbar assumere, & unius defectum alterius ope emendando, quicquid habent incommodi, vitare.

Ac revera dicere ausim, per pauca illa præcepta, quæ se legeram, accuratè observando, tantam me facilitatem acquisivisse ad difficultates omnes circa quas illæ duæ scientiæ versantur extricandas, ut intra duos aut tres menses quos illi studio impendi, non modò multas quæstiones invenerim quas antea difficillimas judicaram; sed etiam tandem eò pervenirem, ut circa illas ipsas quas ignorabam putarem me posse determinare quibus viis & quoisque ab humano ingenio solvi possent. Quippe cum à simplicissimis & maximè generalibus incepissem, ordinemque deinceps observarem, singulæ veritates quas inveniebam regulæ erant, quibus postea utebar ad alias difficiliores investigandas. Et ne me forte quis putet incredibilia hīc jactare, notandum est cujusque rei unicam esse veritatem, quam quisquis clare percipit, de illa tantumdem scit quantum ullus alius scire potest. Ita postquam puer, qui primas tantum Arithmeticæ regulas in ludo didicit, illas in numeris aliquot simul colligendis rectè observavit, potest absque temeritate affirmare, se circa rem per additionem istam quæsitam, id omne inventisse quod ab humano ingenio poterat inveniri. Methodus autem illa quæ verum ordinem sequi & enumerationes accuratas facere docet, Arithmeticæ certitudine non cedit.

Atque hæc mihi Methodus in eo præcipuè placebat, quòd per illam viderer esse certus in omnibus me uti ratione, si non perfectè, faltem quām optimè ipse possem; sentiremque ejus usū paulatim ingenii mei tenebras dissipari, & illud veritati distinctius & clarius percipiendæ assuefieri. Cumque illam nulli speciali materiae alligasset, sperabam me non minus feliciter eâ esse usurum in aliarum scientiarum difficultatibus resolvendis, quām in Geometricis vel Algebraicis. Quanquam non idcirco statim omnes quæ occurabant examinandas suscepi: nam in hoc ipso, ab ordine quem illa præscribit descivissem: sed quia videbam illarum cognitionum à principiis quibusdam, quæ ex Philosophia peti deberent, dependere, in Philosophia autem nulla hactenus satis certa principia fuisse inventa; non dubitavi quin de iis quærendis mihi ante omnia esset cogitandum. Ac præterea quia videbam illorum disquisitionem quam maximi esse momenti, nullamque aliam esse in qua præcipitantia & anticipatio opinionum diligenter essent cavendæ: non existimavi me priùs illam aggredi debere, quām ad maturiorem ætatem pervenisset: tunc enim viginti tres annos tantum natus

natus eram. Nec priusquam multum temporis in præparando ad id ingenio impendissim; tum erroneous opiniones quas ante admiserat evelendo, tum varia experimenta ratiocinationibus meis materiam præbitura colligendo, tum etiam magis & magis eam Methodum quam mihi præscriperam excolendo, ut in ea confirmatione evaderem.

Ac denique ut illi qui novam domum, in locum ejus quam inhabitant, volunt extruere, non modò veterem priùs evertunt, lapides, ligna, cæmentum, aliaque ædificanti utilia sibi comparant, Architectum consulunt, vel ipsimet se in Architecturâ exercent, & exemplar domus facienda accurate describunt; sed etiam aliam aliquam sibi parant, quam interim dum illa ædificabitur possint non incommodè habitare: sic ne dubius & anxius hærerem circa ea, quæ mihi erant agenda, quamdiu ratio suaderet incertum esse circa ea de quibus debebam judicare; atque ut ab illo tempore vivere inciperem quam felicissimè fieri posset, Ethicam quandam ad tempus mihi effinxii, quæ tribus tantum aut quatuor regulis continebatur; quas hic non pigebit adscribere.

Prima erat; ut legibus atque institutis patriæ obtemperarem, firmiterque illam religionem retinerem quam optimam judicabam, & in qua Dei beneficio fueram ab ineunte ætate institutus; atque me in cæteris omnibus gubernarem juxta opiniones quam maximè moderatas, atque ab omni extremitate remotas, quæ communi usi receptæ es- sent apud prudentissimos eorum cum quibus mihi esset vivendum. Cum enim jam inde inciperem iis omnibus quibus ante addictus fueram diffidere; utpote quas de integro examinare deliberabam; certus eram nihil melius facere me posse, quam si interea temporis prudenteriorum actiones imitarer. Et quamvis fortè nonnulli sint apud Persas aut Sinas non minus prudentes quam apud nos, utilius tamen judicabam illos sequi cum quibus mihi erat vivendum: Atque ut rectè intelligerem, quidnam illi revera optimum esse sentirent; ad ea potius quæ ajebant, quam ad ea quæ loquebantur, attendebam: non modò quia hominum mores eosque corrupti sunt, ut perpauci quid sentiant dicere velint, sed etiam quia permulti sæpe ipsimet ignorant: est enim alia actio mentis per quam aliquid bonum vel malum esse judicamus, & alia per quam nos ita judicasse agnoscimus; atque una sæpissimè absque altera reperitur. Ex pluribus autem sententiis æqualiter usu receptis moderatissimas semper eligebam; tum quia ad executionem facillimæ, atque ut plurimum optimæ sunt; omne quippe nimium vitiōsum esse solet; tum etiam, ut si fortè aberrarem, minùs saltem à rectâ viâ defleterem medium tenendo, quam si unam ex extremis elegisset cum altera fuisset sequenda. Et quidem inter extremas vias, sive (ut ita loquar) inter nimietates, reponebam promissiones omnes

III.  
Quadam  
Moralis  
scientie re-  
gula, ex  
hac Me-  
thodo de-  
promptte.

quibus nobis met ipsiis libertatem mutandæ postea voluntatis adimimus. Non quod improbarem leges quæ humanæ fragilitati atque inconstantiæ subvenientes, quoties bonum aliquod propositum habemus, permittunt ut nos ad semper in eodem perseverandum voto adstringamus, vel etiam quæ ob fidem commerciorum quæcumque aliis promisimus, modo ne bonis moribus aduersentur, cogunt nos præstare. Sed quia videbam, nihil esse in mundo, quod semper in eodem statu permaneret, quantumque ad me, vitam sic instituebam, ut judicia mea indies meliora, nunquam autem deteriora fore sperarem; graviter me in bonam mentem peccare putassem, si ex eo quod tunc res quasdam ut bonas amplectebar, obligasset me ad easdem etiam postea amplectendas, cum forsan bona esse desissem, vel ipse non amplius bonas judicarem.

Altera regula erat, ut quam maximè constans & tenax proposui semper essem; nec minus indubitanter atque incunctanter in iis peragendis perseverarem, quæ ob rationes valde dubias, vel fortè nullas suscepseram, quam in iis de quibus planè eram certus. Ut in hoc viatorum consilium imitarer, qui, si forte in mediâ aliquâ sylvâ aberrarent, nec ullum iter ab aliis tritum, nec etiam versus quam partem eundum sit agnoscant, non idèo vagi & incerti modò versus unam, modò versus alteram tendere debent, & multo minus uno in loco consistere, sed semper rectâ quantum possunt versus unam & eandem partem progredi; nec ab eo postea propter leves rationes desleccere, quamvis fortè initio planè nullas habuerint, propter quas illam potius quam aliam quamlibet eligerent: hoc enim pacto, quamvis forte ad ipsum locum ad quem ire destinaverant non accedent, ad aliquem tamen tandem devenient, in quo commodius quam in mediâ sylvâ poterunt subsistere. Eodem modo quia multa in vita agenda sunt quæ differre planè non licet, certissimum est, quoties circa illa quid revera sit optimum agnoscere non possumus, illud debere nos sequi quod optimum videtur; vel certè si quædam talia sint, ut nulla nos vel minima ratio ad unum potius quam contrarium faciendum impellat, alterutrum tamen debemus eligere; & postquam unam semel sententiam sic sumus amplexi, non amplius illam ut dubiam, in quantum ad proxim refertur, sed ut planè veram & certam, debemus spectare; quia nempe ratio propter quam illam elegimus vera & certa est. Atque hoc sufficiens fuit ad me liberandum omnibus istis anxietatibus & conscientiæ morsibus, quibus infirmiores animæ torqueri solent; quia multa sœpe uno tempore ut bona amplectuntur, quæ postmodum vacillante judicio mala esse sibi persuadent.

Tertia regula erat, ut semper me ipsum potius quam Fortunam vincere

cere studerem, & cupiditates proprias quām ordinem mundi mutare. Atque in universum ut mihi firmiter persuaderem nihil extra proprias cogitationes absolutē esse in nostra potestate; adeo ut quidquid non evenit, postquam omne quod in nobis erat egimus ut eveniret, inter ea quā fieri planē non poslunt, & Philosophico vocabulo impossibilia appellantur, sit à nobis numerandum. Quod solum sufficere mihi videbatur, ad impediendum ne quid in posterum optarem quod non adipiscerer, atque ad me hoc pacto satis felicem reddendum. Nam cū ea sit voluntatis nostræ natura, ut erga nullam rem unquam feratur, nisi quam illi noster intellectus ut aliquo modo possibilem repræsentat; si bona omnia quæ extra nos posita sunt tanquam æqualiter nobis impossibilia consideremus; non magis dolebimus quòd ea fortè nobis defint, quæ natalibus nostris deberi videntur, quām quòd Sinarum vel Mexicanorum reges non sumus. Et rerum necessitatī voluntatem nostram accuratissimè accommodantes, ut jam non tristemur quòd nostra corpora non sint tam parum corruptioni obnoxia quām est adamas, vel quòd alis ad volandum instar avium non simus instruicti: ita neque sanitatis desiderio torquebimur, si ægrotemus; nec libertatis, si carcere detineamur. Sed fateor longissima exercitatione, & meditatione sæpiissimè iterata opus esse, ut animum nostrum ad res omnes ita spectandas assuefacere possimus. Atque in hoc uno mihi persuadeo positam fuisse omnem artem illorum Philosophorum, qui olim fortunæ imperio se eximebant, & inter ipsos corporis cruciatus ac paupertatis incommoda de felicitate cum suis Diis contendebant. Nam cum assidue terminos potestatis sibi à Naturâ concessæ contemplarentur, tam planē sibi persuadebant nullam rem extra se positam, sive nihil præter suas cogitationes ad se pertinere, ut nihil etiam amplius optarent, & tam absolutum in eas imperium istius meditationis usu acquirebant, hoc est cupiditatibus aliisque animi motibus regendis ita se assuefaciebant, ut non sine aliqua ratione se solos divites, solos potentes, solos liberos, & solos felices esse jactarent; quia nempe nemo hâc Philosophiâ destitutus, tam faventem semper Naturam atque Fortunam habere potest, ut votorum omnium quemadmodum illi compos fiat.

Ut autem hanc Ethicam meam concluderem, diversas occupationes quibus in hâc vitâ homines vacant, aliquandiu expendi, atque ex iis optimam eligere conatus sum: Sed non opus est, ut quid de aliis mihi visum sit hâc referam; dicam tantum, nihil me invenisse, quod pro me ipso melius videretur, quam si in eodem instituto in quo tunc eram perseverarem; hoc est, quam si totum vitæ tempus in ratione mea excolenda, atque in veritate juxta Methodum quam mihi præscriperam investiganda consumerem. Tales quippe fructus hujus Methodi jam degusta-

gularum; ut nec suviiores ullos nec magis innocuos in hâc vitâ decerpî posse arbitrarer; Cumque illius ope quotidie aliquid detegerem, quod & vulgo ignotum & alicujus momenti esse existimabam, tanta delectatione animus meus implebatur, ut nullis aliis rebus affici posset. Ac præterea tres regulæ mox expositæ satis rectæ mihi visæ non fuissent, nisi in veritate per hanc Methodum investiganda perseverare decrevisssem. Nam cùm Deus unicuique nostrum, aliquod rationis lumen largitus sit ad verum à falso distinguendum, non putassem, me, vel per unam diem, totum alienis opinionibus regendum tradere debere, nisi statuisse easdem proprio ingenio examinare, statim atque me ad hoc rectè faciendum satis parasse. Nec quamdiu illas sequabar, absque errandi metu fuisset, nisi sperasse, me nullam interim occasionem, meliores si quæ essent inveniendi, prætermisssum. Nec denique cupiditatibus imperare, ac rebus quæ in potestate mea sunt contentus esse potuisse, nisi viam illam fuisset sequutus, per quam confidebam me ad omnem rerum cognitionem perventurum cuius essem capax, simulque ad omnium verorum bonorum possessionem ad quam mihi licaret aspirare. Quippe cùm voluntas nostra non determinetur ad aliquid vel persequendum vel fugiendum, nisi quatenus ei ab intellectu exhibetur tanquam bonum vel malum; sufficiet, si semper recte judicemus, ut recte faciamus, atque si quam optime possumus judicemus, ut etiam quam optime possumus faciamus; hoc est, ut nobis virtutes omnes simulque alia omnia bona quæ ad nos possunt pervenire, comparemus; quisquis autem se illa sibi comparasse confidit, non potest non esse suis contentus ac beatus.

Postquam verò me his regulis instruxisse, illasque simul cum rebus fidei, quæ semper apud me potissima fuerunt, reservasse, quantum ad reliqua quibus olim fueram imbutus, non dubitavi quin mihi licaret omnia ex animo meo delere: quod quia mihi videbar commodius præstare posse inter homines conversando, quam in illa solitudine in qua eram diutius commorando, vix dum hyems erat exacta cùm me rursus ad peregrinandum accinxii: nec per insequentes novem annos aliud egi, quam ut hac illac orbem terrarum perambulando, spectatorem potius quam actorem concediarum, quæ in eo quotidie exhibentur, me præberem. Cumque præcipue circa res singulas observarem quidnam posset in dubium revocari, & quidnam nobis occasionem male judicandi præberet, omnes paulatim opiniones erroneas quibus mens mea obsessa erat avellebam. Nec tamen in eo Scepticos imitabar, qui dubitant tantum ut dubitent, & præter incertitudinem ipsam nihil querunt. Nam contra totus in eo eram ut aliquid certi reperirem. Et quemadmodum fieri solet, cum in arenoso solo ædificatur,

tam

tam altè fodere cupiebam ut tandem ad saxum vel ad argillam pervenirem : Atque hoc satis feliciter mihi succedere videbatur. Nam cum ad falsitatem vel incertitudinem propositionum quas examinabam detegendam, non vagis tantùm & debilibus conjecturis, sed firmis & evidenteribus argumentis uti conarer, nulla tam dubia occurrebat, quin ex ea semper aliquid certi colligerem ; nempe vel hoc ipsum, nihil in ea esse certi. Et sicut veterem domum diruentes multam ex ea materiam servant, novæ extruendæ idoneam ; ita malè fundatas opiniones meas dejiciendo, varias res observabam, & multa experimenta colligebam, quæ postea certioribus stabiliendis usui mihi fuere. Ac præterea pergebam semper in ea quam mihi præscripsérā Methodo exercenda ; nec tantummodo generaliter omnes meas cogitationes juxta ejus præcepta regere studebam, sed etiam nonnullas interdum horas mihi assūmebam, quibus illa expressius in quæstionibus Mathematicis résolvendis utebar ; vel etiam in quæstionibus ad alias quidem scientias pertinentibus, sed quas ab earum non satis firmis fundamentis sic abducebam, ut propemodum Mathematicæ dici possent ; quod satis apparebit me fecisse in multis quæ in hoc volumine continentur. Ita non aliter in speciem me gerendo, quam illi qui vitæ suaviter & innoxie traducendæ studentes, omnique alio munere soluti, voluptates à vi-tiis secernunt, & nullâ honestâ delectatione sibi interdicunt, ut otium sine tædio ferre possint ; propositum interim meum semper urgebam, magisque ut existimo in veritatis cognitione promovebam, quam si in libris evolvendis, vel literatorum sermonibus audiendis omne tempus consumpsisset.

Verumtamen isti novem anni effluxerunt, antequam de ullâ ex iis quæstionibus quæ apud eruditos in controversiam adduci solent, determinatè judicare, atque aliqua in Philosophia principia vulgaribus certiora querere ausus fuisse. Tantam enim in hoc difficultatem esse, docebant exempla permultorum summi ingenii virorum, qui sine successu hactenus idem suscepisse videbantur; ut fortasse diutius adhuc fuisse cunctatus, nisi audivissem à quibusdam, jam vulgo credi, me hoc ipsum quod nondum aggressus fueram, perfecisse. Nescio quidnam illis dedisset occasionem istud sibi persuadendi ; nec certè ullam ex meis sermonibus capere potuerant, nisi forte quia videbant me liberius ignorantiam meam profiteri, quam soleant alii ex iis qui docti haberi volunt ; vel etiam quia interdum rationes exponebam, propter quas de multis dubitabam, quæ ab aliis ut certa admittuntur ; non autem quod me unquam audivissent de ullâ circa res Philosophicas scientiâ gloriantem : Sed cum talis animus in me esset, ut pro alio quam revera eram haberi nollem, putavi mihi viribus omnibus esse contendendum,

dum, ut eâ laude dignus evaderem quæ jam mihi à multis tribuebatur. Qua re impulsus ante octo annos, ut omnibus me avocationibus quæ inter notos & familiares degentibus occurrunt liberarem, secessi in hasce regiones, in quibus diuturni belli necessitas invexit militarem disciplinam tam bonam, ut magni in ea exercitus non ob aliam causam ali videantur, quam ut omnibus pacis commodis securius incolæ frui possint; Et ubi in magnâ negotiosorum hominum turbâ, magis ad res proprias attendentium quam in alienis curiosorum, nec earum rerum usu carui quæ in florentissimis & populosisimis urbibus tantum habentur, nec interim minus solus vixi & quietus, quam si fuisset in locis maximè desertis & incultis.

## IV.

Rationes  
quibus ex-  
sistuntia  
Dei & a-  
nima hu-  
mana pro-  
batur, qua-  
sunt Me-  
taphysica  
fundamen-  
ta.

Non libenter hic refero primas cogitationes, quibus animum applicui postquam huc veni: tam Metaphysicæ enim sunt & à communī usu remotæ, ut verear ne multis non sicut placituræ; sed ut possit intelligi an satis firma sint Philosophicæ meæ fundamenta, videor aliquo modo coactus de illis loqui. Dudum observaveram, permultas esse opiniones, quas, etsi valde dubiæ sint & incertæ, non minus constanter & intrepidè sequi debemus, quatenus ad usum vitæ referuntur, quam si certæ essent & exploratae; ut jam ante dictum est. Sed quia tunc veritati quærendæ, non autem rebus agendis, totum me tradere volebam, putavi mihi planè contrarium esse faciendum, & illa omnia in quibus vel minimam dubitandi rationem possem reperire, tanquam aperte falsa esse rejicienda; ut experirer an illis ita rejectis, nihil præterea superesset de quo dubitare plane non possem. Sic quia nonnunquam sensus nostri nos fallunt, quidquid unquam ab illis hauseram, inter falsa numeravi; Et quia videram aliquando nonnullos etiam circa res Geometriæ facillimas errare, ac paralogismos admittere, sciebamque idem mihi posse accidere quod cuiquam alii potest, illas etiam rationes omnes, quas antea pro demonstrationibus habueram, tanquam falsas rejeci. Et denique quia notabam, nullam rem unquam nobis veram videri dum vigilamus, quin eadem etiam dormientibus possit occurtere, cùm tamen tunc semper aut fere semper sit falsa; supposui, nulla eorum quæ unquam vigilans cogitavi, veriora esse quam sint ludibria somniorum. Sed statim postea animadvertis, me, quia cætera omnia ut falsa sic rejiciebam, dubitare plane non posse quin ego ipse interim essem. Et quia videbam veritatem hujus pronuntiati; Ego cogito, ergo sum sive existo, adeo certam esse atque evidentem, ut nulla tam enormis dubitandi causa à Scepticis fingi possit, à qua illa non eximatur; credidi, me tuto illam posse, ut primum ejus, quam quærebam, Philosophicæ fundamentum, admittere.

Deinde attentè examinans quis essem, & videns, fingere quidem me posse

posse corpus meum nihil esse, itemque nullum planè esse mundum, nec etiam locum in quo essem; sed non ideo ulla ratione fingere posse me non esse; quinimo ex hoc ipso quod reliqua falsa esse fingerem, sive quidlibet aliud cogitarem, manifestè sequi me esse: Et contra, si vel per momentum temporis cogitare desinerem, quamvis interim & meum corpus, & mundus, & cætera omnia quæ unquam imaginatus sum, revera existerent, nullam ideo esse rationem cur credam me durante illo tempore debere existere. Inde intellexi, me esse rem quandom sive substantiam, cuius tota natura sive essentia in eo tantum consistit ut cogitem, quæque ut existat, nec loco ullo indiget, nec ab ulla re materiali sive corporea dependet. Adeo ut Ego, hoc est, mens per quam solam sum is qui sum, sit res à corpore planè distincta, atque etiam cognitu facilior quam corpus, & quæ planè eadem, quæ nunc est, esse posset, quamvis illud non exsisteret.

Post hæc inquisivi, quidnam in genere requiratur ut aliqua enuntiatio tanquam vera & certa cognoscatur: cum enim jam unam invenissem, quam tales esse cognoscebam, putavi me posse etiam inde percipere in qua re ista certitudo consistat. Et quia notabam, nihil planè contineri in his verbis, Ego cogito, ergo sum, quod me certum redderet eorum veritatis, nisi quod manifestissime viderem fieri non posse ut quis cogitet nisi existat, credidi, me pro regula generali sumere posse omne id quod valde dilucide & distinctè concipiebam verum esse; Et tantummodo difficultatem esse nonnullam, ad rectè advertendum quidnam sit quod distinctè percipimus.

Qua re posita, observavi me de multis dubitare, ac proinde naturam meam non esse omnino perfectam; evidentissime enim intelligebam dubitationem non esse argumentum tantæ perfectionis quam cognitionem. Et cum ulterius inquirerem, à quonam haberem ut de natura perfectiore quam mea sit cogitarem, clarissime etiam intellexi, me hoc habere non posse, nisi ab eo cuius Natura esset revera perfectior. Quantum attinet ad cogitationes, quæ de variis aliis rebus extra me positis occurabant, ut de cœlo, de terra, de lumine, de calore, aliisque rebus innumeris, non eadem ratione querendum esse putabam, à quonam illas haberem: cùm enim nihil in illis reperirem quod supra me positum esse videretur, facile poteram credere, illas, si quidem veræ essent, ab ipsâmet Naturâ meâ quatenus aliquid perfectionis in se habet, dependere; si verò falsæ, ex nihilo procedere; hoc est, non aliam ob causam in me esse quam quia dœrat aliquid Naturæ meæ, nec erat planè perfecta. Sed non idem judicare poteram de Cogitatione, sive Idea Naturæ, quæ perfectior erat quam mea. *Nota: hoc Nam fieri planè non poterat ut illam à nihilo accepisset. Et quia non in loco,* &

## DISSERTATIO

20

*ubique in  
sequentia-  
bus, nomen  
Idea gene-  
raliter su-  
mi pro om-  
ni re cogi-  
tatā, qua-  
tenus habet  
tanum ef-  
se quod-  
dam obje-  
ctivum in  
intellectu.*

magis potest id quod perfectius est, à minus perfecto procedere, quam ex nihilo aliquid fieri, non poteram etiam à me ipso illam habere; Ac proinde supererat ut in me posita esset à re, cuius natura esset perfectior, imò etiam quæ omnes in se contineret perfectiones, quarum Ideam aliquam in me haberem; hoc est, ut verbo absolvam, quæ Deus esset. Addebam etiam, quandoquidem agnoscebam aliquas perfectiones quarum expers eram, necessarium esse ut existeret præter me aliquod aliud ens, (licet hīc, si placet, uti vocibus in scholā tritis) ens, inquam, me perfectius, à quo penderem, & à quo quidquid in me erat accepisse. Nam si solus & ab omni alio independens fuisset, adeò ut totum id, quantumcunque sit, perfectionis cuius particeps eram à me ipso habuisse, reliqua etiam omnia quæ mihi deesse fentiebam, per me acquirere potuisse, atque ita ipsem esse infinitus, aternus, immutabilis, omniscius, omnipotens, ac denique omnes perfectiones possidere quas in Deo esse intelligebam.

Etenim ut Naturam Dei, (ejus nempe quem rationes modo allatae probant existere) quantum à me naturaliter agnoscere potest, agnoscerem, non aliud agendum mihi erat quam ut considerarem circa res omnes, quarum Ideas aliquas apud me inveniebam, essetne perfectio, illas possidere; certusque eram, nullas ex iis quæ imperfectionem aliquam denotabant, in illo esse, ac nullas ex reliquis illi deesse: sic videbam, nec dubitationem, nec inconstantiam, nec tristitiam, nec similia in Deum cadere: nam egomet ipse illis libenter caruisse. Præterea multarum rerum sensibilium & corporearum Ideas habebam: quamvis enim me fingerem somniare, & quidquid vel videbam vel imaginabar falsum esse, negare tamen non poteram, Ideas illas in mente mea revera existere. Sed quia jam in me ipso perspicue cognoveram, naturam intelligentem à corporeā esse distinctam, in omni autem compositione unam partem ab altera totumque à partibus penderre advertebam, atque illud quod ab aliquo pendet perfectum non esse; idcirco judicabam, in Deo perfectionem esse non posse, quod ex ipsis duabus naturis esset compositus, ac proinde ex illis compostum non esse. Sed si quæ res corporeæ in mundo essent, vel si aliquæ res intelligentes, aut cuiuslibet alterius naturæ, quæ non essent omnino perfectæ, illarum existentiam à Dei potentia necessario ita pendere, ut ne per minimum quidem temporis momentum absque eo esse possent.

Cum deinde ad alias veritates quærendas me accingerem, consideraremque in primis illam rem circa quam Geometria versatur, quam nempe concipiebam ut corpus continuum, sive ut spatiū indefinitè longum, latum, & profundum, divisibile in partes tum magnitudine,

tura-

tum figura omnimodè diversas, & quæ moveri sive transponi possint omnibus modis, (hæc enim omnia Geometræ in eo quod examinant esse supponunt) alias ex simplicissimis corum demonstrationibus in memoriam mihi revocavi. Et primò quidem notavi, magnam illam certitudinem quæ iis omnium consensu tribuitur, ex eo tantum procedere quod valde clare & distinctè intelligantur, juxta regulam paulò ante traditam; Deinde etiam notavi, nihil planè in iis esse, quod nos certos reddat illam rem circa quam versantur existere: Nam quamvis satis viderem, si, exempli causâ, supponamus, dari aliquod triangulum, ejus tres angulos necessariò fore æquales duobus rectis; nihil tamen videbam quod me certum redderet, aliquod triangulum in mundo esse. At contrà, cum reverterer ad Ideam entis perfecti quæ in me erat; statim intellexi, existentiam in ea contineri, eadem ratione quæ in Idea trianguli æqualitas trium ejus angulorum cum duobus rectis continetur; vel, ut in idea circuli, æqualis à centro distantia omnium ejus circumferentia partium; vel etiam adhuc evidenter, ac, proinde ad minimum æquè certum esse, Deum, qui est illud ens perfectum, existere, quam ulla Geometrica demonstratio esse potest.

Sed tota ratio propter quam multi sibi persuadent, tum Dei existentiam, tum animæ humanæ naturam, esse res cognitu valdè difficiles, ex eo est quod nunquam animum à sensibus abducant, & supra res corporeas attollant; sintque tam assueti nihil unquam considerare quod non imaginentur, hoc est cuius aliquam imaginem tanquam rei corporeæ in phantasia sua non fingant, ut illud omne de quo nulla talis imago fingi potest, intelligi etiam non posse illis videatur. Atque hoc ex eo satis patet, quod vulgò Philosophi in scholis pro axiomate posuerint, nihil esse in intellectu quod non priùs fuerit in sensu: in quo tamen certissimum est Ideas Dei, & animæ rationalis aequaliter suisse: mihique idem facere illi videntur qui suâ imaginandi facultate ad illas uti volunt, ac si ad sonos audiendos vel odores percipiendos oculis suis uti conarentur; nisi quod in eo etiam differentia sit, quod sensus oculorum in nobis non minus certus sit quam odoratus vel auditus; cum è contra, nec imaginandi facultas, nec sentiendi, ullius unquam rei nos certos reddere possint, nisi intellectu sive ratione cooperante.

Quod si denique adhuc aliqui sint quibus rationes jam dictæ nondum latis persuaserint, Deum esse, ipsorumque animas absque corpore spectatas esse res revera existentes, velim sciant alia omnia pronunciata, de quibus nullo modo solent dubitare, ut quod ipsimet habeant corpora, quod in mundo sint sidera, terra, & similia, multo magis esse incerta. Quamvis enim istorum omnium sit certitudo, ut loquuntur Philosophi,

sophi, moralis, quæ tanta est, ut nemo nisi deliret, de iis dubitari posse videatur; nemo tamen etiam, nisi sit rationis expers, potest negare quoties de certitudine Metaphysica quæstio est, quin satis sit causa ad dubitandum de illis, quod advertamus, fieri posse, ut inter dormiendum eodem planè modo credamus nos alia habere corpora, & alia sidera videre, & aliam terram, &c. quæ tamen omnia falsa sint. Unde enim scitur eas cogitationes quæ occurunt dormientibus potius falsas esse, quam illas quas habemus vigilantes, cum sæpe non minus vividæ atque expressæ videantur? Inquirant præstantissima quæque ingenia quantum libet, non puto illos rationem aliquam posse invenire, quæ huic dubitandi causæ tollendæ sufficiat, nisi existentiam Dei supponant. Etenim hoc ipsum quod paulo ante pro regula assumpsi, nempe illa omnia, quæ claræ & distinctæ concipimus, vera esse, non aliam ob causam sunt certa, quam quia Deus existit, estque Deus ens summum & perfectum, adeo ut quidquid entis in nobis est, ab eo necessario procedat; Unde sequitur, Ideas nostras sive notiones, cum in omni eo in quo sunt claræ & distinctæ, entia quædam sint atque à Deo procedant, non posse in eo non esse veras. Ac proinde quod multitudo contingit quam quia etiam in iisdem aliiquid est obscurum & confusum; atque in hoc non ab ente summo sed à nihilo procedunt; hoc est, obscuræ sunt & confusæ, quia nobis aliiquid deest, sive quia non omnino perfecti sumus. Manifestum autem est, non magis fieri posse, ut falsitas sive imperfectio à Deo sit, quatenus imperfectio est, quam ut veritas sive perfectio à nihilo. Sed si nesciremus quicquid entis & veri in nobis est, totum illud ab ente summo & infinito procedere, quantumvis claræ & distinctæ essent Ideaæ nostræ, nulla nos ratio certos redderet illas idcirco esse veras.

At postquam Dei & mentis nostræ cognitio nobis hanc regulam planè probavit, facile intelligimus, ob errores somniorum, cogitationes quas vigilantes habemus in dubium vocari non debere: Nam si quis etiam dormiendo ideam aliquam valde distinctam haberet, ut exempli causa, si quis Geometra novam aliquam demonstrationem inveniret, ejus profecto somnus non impediret quo minus illa vera esset. Quantum autem ad errorem somniis nostris maximè familiarem, illum nempe qui in eo consistit, quod varia nobis objecta representet eodem planè modo quo ipsa nobis à sensibus externis inter vigilandum exhibentur, non in eo nobis operit quod occasionem det, ejusmodi ideis quas à sensibus vel accepimus vel putamus accipere, parum credendi; possunt enim illæ etiam dum vigilamus non raro nos fallere, ut cum ii qui morbo regio laborant omnia colore flavo inf-

cta cer-

## D E M E T H O D O.

25

Et a cernunt, aut cum nobis astra, vel alia corpora valde remota, multò minora quam sint apparent. Omnino enim, sive vigilemus sive dormiamus, solam evidentiam rationis judicia nostra sequi debent. Notandumque est hic, me loqui de evidentiā nostrā rationis, non autem imaginationis, nec sensuum. Ita exempli causā, quamvis Solem clarissimē videamus, non idē debemus judicare illum esse ejus tantum magnitudinis quam oculi nobis exhibent; & quamvis distinctè imaginari possimus, caput Leonis capræ corpori adjunctum, non inde concludendum est chimāram in mundo existere. Ratio enim nobis non dicitat ea quae sic vel imaginamur, idcirco revera existere. Sed planè nobis dicit, omnes nostras Ideas sive notiones aliquid in se veritatis continere; alioqui enim fieri non posset ut Deus, qui summè perfectus & verax est, illas in nobis posueret. Et quia nostrā ratiocinationes sive judicia nunquam tam clara & distincta sunt dum dormimus quam dum vigilamus, etiamsi nonnunquam imaginationes nostrā magis vividæ & expressæ sint, ratio etiam nobis dicit, cum omnes nostrā cogitationes veræ esse non possint, quia non sumus omnino perfecti, verissimas ex iis illas esse potius quas habemus vigilantes, quam quæ dormientibus occurrent.

Libentissimè hic pergerem, & totam catenam veritatum quas ex his primis deduxi exhiberem; Sed quoniam ad hanc rem opus nunc esset, ut de variis quæstionibus agerem inter doctos controversis, cum quibus contentionis funem trahere nolo, satius fore credo ut ab iis abstineam, & solū in genere quænam sint dicam, quo sapientiores judicare possint, utrum expediat rempublicam literariam de iis specia- lius edoceri. Perstiti semper in proposito nullum aliud principium supponendi, præter illud quo modo usus sum ad existentiam Dei & ani- mæ demonstrandum, nullamque rem pro vera accipiendi, nisi mihi clarius & certior videretur, quam antea Geometrarum demonstratio- nes fuerant visæ. Nihilominus ausim dicere, me non solum reperiſſe viam, qua brevi tempore mihi satisfacerem in omnibus præcipuis quæſtionibus quæ in Philosophia tractari solent; sed etiam quasdam leges observasse, ita à Deo in natura constitutas, & quarum ejusmodi in animis nostris notiones impressit, ut postquam ad eas satis atten- dimus, dubitare nequeamus, quin in omnibus quæ sunt aut fiunt in mundo, accuratè obſerventur. Deinde legum istarum seriem perpen- dens, animadvertisse mihi video multas majorisque momenti verita- tes, quam sint ea omnia quæ antea didiceram, aut etiam discere posse speraveram.

Sed quia præcipuas earum peculiari tractatu explicare sum conatus, quem ne in lucem edam, rationes aliquæ prohibent, non possum quæ-

V.  
Quæſtio-  
num Phy-  
ſicarum ab  
Authore  
investiga-  
tarum or-  
do; ac in  
ſpecie mo-  
tus cordis,  
& quarun-  
dam alia-  
rum ad  
Medicinam  
ſpectan-  
tium per-  
plexarum  
opinionum  
enodatio;  
rum que ſit  
inter no-  
ſtrum &  
brutorum  
animam  
differentia.

nam

nam illæ sint commodius patefacere, quam si tractatus illius summam  
hic paucis enarrem. Propositum mihi fuit in illo complecti omnia,  
quæ de rerum materialium natura scire putabam antequam me ad eum  
scribendum accingerem. Sed quemadmodum pictores, cùm non pos-  
sint omnes corporis solidi facies in tabula plana æqualiter spectandas  
exhibere; unam è præcipuis deligunt, quam solam luci obvertunt, cæ-  
teras vero opacant, & eatenus tantum videri sinunt, quatenus præcipuum  
illam intendo id fieri potest: Ita veritus ne dissertatione mea, omnia  
quæ animo volvebam comprehendere non possem, statui solum in  
ea copiosè exponere quæ de lucis natura concipiebam; deinde ejus  
occasione aliquid de Sole & stellis fixis adjicere, quod ab iis tota fere  
promonet; item de cœlis, quod eam transmittant; de Planetis, de  
Cometis & de Terra, quod eam reflectant; & in specie de omnibus  
corporibus quæ in terra occurrunt, quod sint aut colorata, aut pel-  
lucida, aut luminosa; tandemque de homine, quod eorum sit spe-  
ctator. Quinetiam ut aliquas his omnibus umbras injicerem, & li-  
berius, quid de iis sentirem, dicere possem, nec tamen receptas in-  
ter doctos opiniones aut sequi aut refutare tenerer; totum hunc Mun-  
dum disputationibus ipsorum relinquere decrevi, & tantum de iis quæ  
in Novo contingenter tractare, si Deus nunc alicubi in spatiis imagi-  
nariis sufficientem ad eum componentum materiaæ copiam crearet, va-  
riéque & sine ordine diversas hujus materiaæ partes agitaret, ita ut ex  
ea æquè confusum Chaos atque Poëtae fingere valeant componeret;  
deinde nihil aliud ageret quam ordinarium suum concursum naturæ  
commodare, ipsamque secundum leges à se constitutas agere sineret.  
Ita primùm hanc materiam descripsi, & eo modo eam depingere co-  
natus sum, ut nihil, mēa quidem sententiâ, clarissim aut intelligibili-  
lius sit in mundo; exceptis iis quæ modò de Deo & de Anima dicta  
sunt. Nam etiam expressè supposui, nullas in ea ejusmodi formas aut  
qualitates esse, quales sunt eæ de quibus in Scholis disputatur, nec  
quidquam in genere cuius cognitione non adeò mentibus nostris sit na-  
turalis, ut nullus ipsam à se ignorari fingere possit. Præterea quænam  
essent naturæ leges ostendi, nulloque alio assumpto principio quo ra-  
tiones meas stabilirem, præter infinitam Dei perfectionem, illas o-  
mnes demonstrare studui, de quibus dubitatio aliqua oboriri posset;  
probareque eas tales esse, ut etiamsi Deus plures mundos creasset,  
nullus tamen esse posset in quo non accuratè observarentur. Post-  
ea ostendi quomodo maxima pars materiae istius, Chaos, secundum  
has leges, ita se dispositura & collocatura esset, ut nostris Cœlis si-  
milis evaderet. Quomodo interea aliquæ illius partes Terram compo-  
nituræ essent, quædam Planetas & Cometas, & quædam aliæ Solem  
& stellas

& stellas fixas. Et hoc loco in tractationem de Luce digressus, prolixè exposui quænam ea esse deberet quæ solem & stellas componeret, & quomodo inde temporis momento immensa cælorum spatia trajiceret, & à Planetis Cometisque ad terram reflecteret. Ibidem etiam multa de substantia, situ, motibus & omnibus diversis istorum cœlorum, astrorumque qualitatibus inserui; adeò ut me satis multa dicere putarem, ad ostendendum, nihil in hujus Mundi Cœlis, astrisque observari, quod non deberet aut saltem non posset similiter in mundo quæna describebam apparere. Inde ad tractandum de Terra progressus sum, ostendique, quomodo, etiamsi, prout expressè supposueram, Deus nullam gravitatem materiæ, è qua composita erat, indidisset, attamen omnes ejus partes accuratè ad centrum tenderent; Item quomodo, cùm ipsius superficies aquis & aëre operiretur, Cœlorum & Astrorum, sed præcipue Lunæ dispositio, in ea fluxum & refluxum efficere deberet, omnibus suis circumstantiis illi qui in maribus nostris observatur similem; nec non quendam aquarum & aëris ab ortu ad occasum motum, qualis inter Tropicos animadvertisit; Quomodo montes, maria, fontes & fluvii in ea naturaliter produci possent, & metallæ in fodinis enasci, plantæque in agris crescere, & in genere omnia corpora, quæ vulgò mixta aut composita vocant, in ea generari. Et inter cætera, quia nihil aliud in mundo post Astra, præter Ignem esse agnosco quod lumen producat, studui omnia quæ ad ignis naturam pertinent perspicue declarare, quomodo fiat, quomodo alatur, & cur in eo aliquando solus calor sine lumine, aliquando verò solum lumen sine calore deprehendatur; quomodo varios colores in diversa corpora inducere possit, diversaque alias qualitates; quomodo quædam liquefaciat, quædam vero induret; quomodoque omnia propemodum consumere, aut in cineres & fumum convertere possit; & denique quomodo ex his cineribus sola actionis suæ vi vitrum efficere. Cum enim ista cinerum in vitrum transmutatio non minus admiranda quam quævis alia quæ in natura contingat, volui me aliquantum in ejus particulari descriptione oblectare.

Nolebam tamen ex his omnibus inferre, Mundum hunc eo quo proponebam modo fuisse creatum. Multo enim verisimilius est Deum ipsum ab initio talem qualis futurus erat fecisse. Verumtamen certum est & vulgo inter Theologos receptum, eandem esse actionem quâ ipsum nunc conservat, cum eâ quâ olim creavit: ita ut, etiamsi nullam ei aliam quam Chaos formam ab initio dedit, dummodo post naturæ leges constitutas, ipsi concursum suum ad agendum ut solet commodaret, sine ulla in creationis miraculum injuria credi possit, eo solo res omnes purè materiales, cum tempore quales nunc esse videmus

effici potuisse. Natura autem ipsarum multo facilius capi potest, cum ita paulatim orientes conspiciuntur, quam cum tantum ut absolute & perfectæ considerantur.

A descriptione corporum inanimatorum & plantarum transivi ad animalia, & speciatim ad hominem. Sed quia nondum tantam istorum adeptus eram cognitionem, ut de iis eadem qua de cæteris methodo tractare possem, hoc est, demonstrando effectus per causas, & ostendendo ex quibus seminibus, quove modo natura ea producere debeat, contentus fui supponere, Deum formare corpus hominis unum nostris omnino simile, tam in externa membrorum figura, quam in interna organorum conformatio, ex eadem cum illa quam descripsoram materia, nullamque ei ab initio indere animam rationalem, nec quicquam aliud quod loco animæ vegetantis aut sentientis esset; sed tantum in ipsis corde aliquem sine lumine ignem, quem antea descripsoram, excitare; quem non putabam diversum esse ab eo qui faxum congestum antequam siccum sit calefacit; aut qui vina recentia ab acinis nondum separata fervore facit. Nam functiones quæ consequenter in hoc humano corpore esse poterant expendens, inveniebam perfectè omnes quæ nobis non cogitantibus inesse possunt; ac proinde absque cooperatione animæ, hoc est illius nostri partis à corpore distinctæ, cuius ante dictum est naturam in cogitatione tantum sitam esse; easdemque in quibus potest dici animalia ratione destituta nobiscum convenire; ita tamen ut nullam earum animadverterem, quæ cum à mente pendeant, solæ nostræ sunt quatenus homines sumus; quas nihilominus omnes ibi postea reperiebam, cum Deum animam rationalem creasse, eamque isti corpori certo quodam quem describebam modo conjunxisse, supposuisse.

Sed ut cognosci possit quæ ratione illic materiam istam tractarem, volo hic apponere explicationem motus cordis, & arteriarum; qui cum primus & generalissimus sit qui in animalibus observatur, ex eo facile judicabitur quid de reliquis omnibus sit sentiendum. Et ut minor in iis quæ dicturus sum percipiendis occurrat difficultas, author sum iis qui in Anatomia non sunt versati, ut antequam se ad hæc legenda accingant, cor magni alicujus animalis, pulmones habentis, coram se dissecari current: (in omnibus enim satis est humano simile) sibique duos qui inibi sunt ventriculos sive cavitates ostendi; Primo illam quæ in latere dextro est, cui duo valde ampli canales respondent; videlicet vena cava, quæ præcipuum est sanguinis receptaculum, & veluti truncus arboris, cuius omnes aliae corporis venæ sunt rami; & vena arteriosa, malè ita appellata, cum revera sit arteria, quæ originem à corde habens, postquam inde exiit, in multos ramos dividitur, qui

deinde

deinde per pulmones disperguntur. Secundo illam quæ est in latere si-  
nistro , cui eodem modo duo canales respondent , æquè ampli atque  
præcedentes , si non magis; scilicet arteria venosa , malè etiam ita nomi-  
nata , cum nihil aliud sit quam vena , quæ à pulmonibus oritur , ubi in  
multos ramos dividitur , cum venæ arteriosæ & asperæ arteriæ , per quam  
aer quem spiramus ingreditur , ramis permixtos; & magna arteria , quæ  
è corde exiens ramos suos per totum corpus dispergit. Velle etiam ,  
ipsi diligenter ostendi undecim pelliculas , quæ veluti totidem valvulae  
aperiunt & claudunt quatuor ostia seu orificia quæ sunt in ipsis duobus  
cavis ; nimirum tres in ingressu venæ cavae , ubi ita sunt collocatae , ut  
nullo modo impedire possint quominus sanguis quem continent , in  
dextrum cordis ventriculum fluat , licet ne inde exeat accuratè prohibi-  
beant. Tres in ingressu venæ arteriosæ , quæ contrario modo disposi-  
tæ , sinunt quidem sanguinem in illa cavitate contentum ad pulmones  
transire , sed non eum qui in pulmonibus est eo reverti. Et sic duas  
alias in orificio arteriæ venosæ , quæ permitunt ut sanguis è pulmo-  
nibus in sinistrum cordis ventriculum fluat , sed redditum ejus arcent.  
Et tres in ingressu magnæ arteriæ , quæ sinunt ipsum è corde exire , sed  
ne illuc redeat impediunt. Nec opus est aliam quærere causam nume-  
ri istarum pellicularum , nisi quod cum arteriæ venosæ orificium sit  
figuræ ovalis ratione loci in quo est , duabus commodè claudi possit ;  
cum alia quæ rotunda sunt , melius tribus obstrui queant. Præterea  
cuperem ut ostenderetur ipsis , magnam arteriam , & venam arterio-  
sam , constitutionis esse multo durioris & firmioris quam arteria ve-  
nosa & vena cava ; & istas duas postremas dilatari priusquam cor in-  
grediantur , ibique duo veluti marsupia efficere , quæ vulgo cordis  
auriculæ vocantur , & sunt ex simili cum ipso carne compositæ : Mul-  
toque semper plus caloris esse in corde quam in ulla alia corporis par-  
te; Denique istum calorem posse efficere , ut si guttula aliqua sanguinis  
in ipsis cavitates ingrediatur , statim intumescat & dilatetur ; sicut o-  
mnibus in universum liquoribus contingit , cum guttatim in aliquod  
valde calidum vas stillant.

Post hæc enim non opus est ut quidquam aliud dicam ad motum  
cordis explicandum , nisi quod cum ipsis cavitates non sunt sanguine  
plene , illuc necessario defluat , è vena quidem cava in dextram , &  
ex arteria venosa in sinistram ; quia hæc duo vasa sanguine semper ple-  
na sunt , & ipsorum orificia quæ cor spectant tunc obturata esse non  
possunt. Sed simul atque duæ sanguinis guttæ ita illuc sunt ingressæ ,  
nimirum in unamquamque cavitatem una , cum necessario sint valde  
magnæ , eo quod ostia per quæ ingrediuntur ampla sint , & vasa unde  
procedunt , plena sanguine , statim ex rarefiunt & dilatantur , propter  
calorem

calorem quem illic inveniunt. Quâ ratione fit ut totum cor intumescere faciant, simulque pellant & claudant quinque valvulas, quæ sunt in ingressu vasorum unde manant, impedianque ne major sanguinis copia in cor descendat; Et cum magis magisque rarefiant, simul impellant & aperiant sex reliquas valvulas, quæ sunt in orificiis duorum aliorum vasorum, per quas excent; hac ratione efficientes ut omnes venæ arteriosæ & magnæ arteriæ rami, eodem penè cum corde momento intumescent; quod statim postea, sicut etiam istæ arteriæ, detumescit, quia sanguis qui eo ingressus est refrigeratur, & ipsarum sex valvulæ clauduntur, & quinque venæ cavæ & arteriæ venosæ aperiuntur, transitumque præbent duabus aliis guttis sanguinis, quæ iterum faciunt ut cor & arteriæ intumescent sicut præcedentes. Et quia sanguis qui ita in cor ingreditur, per istas duas ipsius auriculas transit, inde fit ut ipsarum motus, cordis motui contrarius sit, & cum intumescit detumescant.

Cæterum ne ii qui vim demonstrationum Mathematicarum ignorant, & in distinguendis veris rationibus à verisimilibus non sunt exercitati, audeant istud sine prævio examine negare; monitos eos volo, motum hunc quem modo explicavi, adeo necessario sequi ex sola organorum dispositione, quam suis in corde oculis intueri possunt, & ex calore qui digitis percipitur, naturaque sanguinis quæ experientia cognoscitur; atque horologii motus, ex vi, situ & figura ponderum & rotarum quibus constat.

Sed si quæratur quâ ratione fiat ut sanguis venarum ita continuo in cor defluens non exhauriatur, & arteriæ nimis plenæ non sint, cum omnis sanguis qui per cor transit in eas ingrediatur; Non opus est ut aliud respondeam præter id quod jam à quadam Medico Anglo scriptum est; cui laus hæc tribuenda est quod primam in ista materia glaciem fregerit; primusque docuerit, multas esse exiguae vias in arteriarum extremitatibus, per quas sanguis quem à corde accipiunt in ramulos venarum ingreditur; unde iterum ad cor redit; adeo ut motus ipsius nihil aliud sit quam perpetua quædam circulatio. Id quod optimè probat ex ordinaria experientia Chirurgorum, qui brachio, mediocri cum adstringione ligato supra locum ubi venam aperiunt, efficiunt ut sanguis inde copiosius exsiliat, quam si non ligassent. Planè autem contrarium evenerit, si brachium infra ligarent, inter manum videlicet & aperturam; aut si illud, supra valde arctè adstringerent. Manifestum enim est, vinculum mediocriter adstringum posse quidem impedire ne sanguis qui jam in brachio est, ad cor per venas redeat: non autem ne novus semper ex arteriis affluat; eo quod infra venas sint collocatae, & durior ipsarum cutis non ita facile comprimi possit; quodque etiam

Hervaeus  
de Motu  
Cordis.

etiam sanguis è corde veniens, majore cum vi per ipsas ad manum transire contendat, quam inde ad cor per venas redire. Quoniam vero sanguis iste ex brachio exit per aperturam in una venarum factam, necessario meatus aliqui infra vinculum, hoc est circa brachii extremum, esse debent, per quos illuc ex arteriis venire queat. Optimè etiam id quod de motu sanguinis dicit, probat ex quibusdam pelliculis, ita variis in locis valvularum instar circa venas dispositis, ut ipsi à medio corporis ad extrema transire non permittant, sed tantum ab extremis ad cor redire: præterea experientia, quæ ostendit, omnem qui in corpore est sanguinem inde brevissimo tempore exire posse per unicam scissam arteriam, etiamsi arctissimè prope cor esset ligata, atque inter ipsum & vinculum scissa; adeo ut nulla esset suspicandi occasio, sanguinem egradientem aliunde quam ex corde venire.

Sed multa alia sunt quæ hanc, quam dixi, veram istius motus sanguinis causam esse testantur; ut primo differentia quæ observatur inter sanguinem qui è venis exit, & eum qui ex arteriis promanat, quæ aliunde oriri non potest quam ex eo quod transeundo per cor rarefactus & veluti distillatus fuerit, atque ita subtilior, vividior & calidior sit, statim atque inde exiit, hoc est cum in arteriis continetur, quam esset paulo antè quam in eas ingredetur, hoc est cum in venis stabulabatur. Et, si probè attendatur, comperietur, hoc discrimen non apparere manifestè, nisi in vicinia cordis; minus autem in locis ab eo remotoribus. Deinde tunicarum è quibus vena arteriosa & magna arteria, ampliores essent & latiores cavitate dextra & vena arteriosa; nisi arteriosæ venæ sanguis pulmones solum ingressus ex quo per cor transiit, subtilior esset, & magis, faciliusque rareficeret quam sanguis immediatè ex vena cava procedens? Et quid ex pulsus contrectatione conjicere possunt Medici, nisi sciant sanguinem prout naturam mutat, magis aut minus celerius vel tardius quam antea à cordis calore rarefieri posse? Et, si expendatur quomodo iste calor aliis membris communicetur, nonne fatendum est id fieri ope sanguinis, qui per cor transiens ibidem calet, indeque per totum corpus diffunditur? Unde fit ut si ex aliqua parte sanguis dematur, eadem operâ dematur calor. Et quamvis cor ardore ferrum candens æquaret, non sufficeret tamen ad pedes & manus adeò ac sentimus calefaciendum; nisi continuò illuc novum sanguinem mitteret. Deinde etiam ex eo cognoscitur, verum respirationis usum esse, satis recentis aëris in pulmones inferre, ad efficiendum ut sanguis qui eò ex dextro cordis ventriculo defluit, ubi rarefactus & quasi in vapores mutatus fuit, ibi incrassescat & denuò in sanguinem convertatur, prius

quām in sinistrum refluat; sine quo, alendo qui illic est igni aptus esse non posset. Idque ex eo confirmatur, quod videamus, animalia pulmonibus destituta, unicum tantum cordis ventriculum habere: quodque in infantibus qui eo uti non possunt quamdiu sunt in matrum uteris inclusi, foramen quoddam deprehendamus per quod sanguis ē vena cava in sinistram cordis cavitatem defluit; & brevem tubum per quem ē vena arteriosa in magnam arteriam, non trajecto pulmone, transit. Deinde quomodo fieret concoctio in ventriculo, nisi cor eo calorem per arterias immitteret, unaque fluidiores alias sanguinis partes, quae injecti cibi comminutionem adjuvant? Nonne etiam actio, quae istius cibi succum in sanguinem convertit, facilis est cognitu, si consideretur, illum iteratis vicibus, & forte plus quām centies aut ducenties, singulis diebus per cordis ventriculos totum distillare? Quā verò aliā re indigemus ad explicandum nutritionem, & variorum qui in corpore sunt humorum productionem; nisi ut dicamus, impetum quo sanguis, dum rarefit, à corde ad extremitates arteriarum transit, efficere ut aliquæ ipsius partes subsstant in membris ad quæ accedunt, ibique locum occupent aliquarum partium quas inde expellunt; & secundum situm, aut figuram, aut exitatatem pororum quos offendunt, quasdam potius in certa loca confluere quām alias; eadem ratione qua fieri solent quædam cribra, quae per hoc unum quod diversimodè sint perforata, variis frumenti speciebus à se invicem separandis inserviunt. Denique id quod hīc super omnia observari mereatur, generatio est spirituum animalium, qui sunt instar venti subtilissimi, aut potius flammæ purissimæ: quae continuè ē corde magna copia in cerebrum ascendens, inde per nervos in musculos penetrat, & omnibus membris motum dat: ita ut non opus sit aliam imaginari causam, quae efficiat ut partes sanguinis, quæ, eò quod sint magis cæteris agitatæ & penetrantiores, aptissimæ sunt ad istos spiritus componentes, potius ad cerebrum quām aliò contendant; nisi quod arteriae quæ eas illuc deferunt, rectissima omnium linea à corde procedant; & quod secundūm Mechanices regulas, quæ cædem sunt atque regulæ Naturæ, cùm variæ res simul ad eandem partem contendunt, ubi satis spati non est omnibus recipiendis, sicut contingit in partibus sanguinis, quæ ē sinistro cordis ventriculo excent, & ad cerebrum tendunt, necesse sit ut debiliores & minus agitatæ inde avertantur à validioribus, quae hac ratione eò solæ perveniunt.

Particulatim fatis ista omnia exposueram in tractatu quem antea in lucem edere cogitabam. In quo consequenter ostenderam, quænam debet esse fabrica nervorum & muscularum corporis humani, ad efficiendum ut spiritus animales ipso contenti, vires habeant ejus membra

moven-

movendi ; sicut videmus , capita , paulò post quām abscissa fuerunt , adhuc moveri & terram mordere , etiam si non amplius sint animata : Quænam mutationes in cerebro fieri debeant ad vigiliam , somnum & insomnia producendum : Quomodo lumen , soni , odores , sapores , calor , & omnes aliae externorum objectorum qualitates , in eo per sensuum organa diversas imprimere ideas possint : Quomodo fames , sitis , aliquique interni affectus , suas etiam illuc immittere valeant : Quid in eo per sensum communem intelligi debeat , in quo idea istæ recipiuntur ; per memoriam , quæ eas conservat ; & per phantasiam , quæ eas diversimodè mutare potest , & novas componere ; quæque etiam spiritus animales variè in musculos immittendo , eosdem omnes motus qui unquam absque voluntatis imperio in nobis fiunt , eodemque modo tum objectis externis sensuum organa pulsantibus , tum etiam affectibus & temperamentis externis respondentes , in istius corporis membris potest efficere . Quod nullo modo videbitur mirum iis , qui scientes quam varii motus in automatis humanâ industriâ fabricatis edi possint ; idque ope quarumdam rotularum aliorumve instrumentorum , quæ numero sunt paucissima , si conferantur cum multitudine ferè infinita ossium , muscularum , nervorum , arteriarum , venarum aliarumque partium organicarum , quæ in corpore cuiuslibet animalis periuntur ; considerabunt humani corporis machinamentum tanquam automatum quoddam manibus Dei factum , quod infinites melius sit ordinatum , motusque in se admirabiores habeat , quām ulla quæ arte humana fabricari possint . Et hīc particulariter immoratus eram in ostendendo , si darentur ejusmodi machinæ , figurâ externâ organisque omnibus simiæ , vel cuivis alteri bruto animali simillimæ , nullâ nos ratione agnitos ipsas naturâ ab istis animantibus differre : Si autem aliquæ exstant , quæ nostrorum corporum imaginem referrent , nostrarque actiones quantum moraliter fieri posset imitarentur ; nobis semper duas certissimas vias reliquas fore ad agnoscendum , eas non propter ea veros homines esse . Quarum prima est , illas nunquam sermonis usum habituras , aut ullorum signorum , qualia adhibemus ad cogitationes nostras aliis aperiendas . Nam concipi quidem potest machina ita composita ut vocabula aliqua proferat ; imo etiam ut quædam enunciet quæ præsentiaæ objectorum , ipsius organa externa moventium , appositè respondeant : veluti si aliquo loco tangatur , ut petat quid se velimus ; si alio , ut clamet , nos ipsam lædere , & alia ejusmodi : Sed non ut voces proprio motu sic collocet aptè ad respondendum omnibus iis quæ coram ipsa proferentur ; quemadmodum quilibet homines , quantumvis obtusi ingenii , possunt facere . Secunda est , quod etiamsi tales machinæ , multæ & quæ bene aut forsitan melius quām ullus

ullus nostrum facerent, in quibusdam aliis sine dubio aberrarent; ex quibus agnosciri posset eas cum ratione non agere; sed solummodo ex organorum suorum dispositione. Cum enim ratio instrumentum sit universale, quod in omni occasione usui esse potest, contra autem organa ista particulari aliqua dispositione ad singulas suas actiones indigent: inde fit ut planè sit incredibile, satis multa diversa organa in machina aliqua reperiri, ad omnes motus externos variis casibus vita respondentes, solâ eorum ope peragendos, eodem modo quo à nobis rationis ope peraguntur. Hâc autem èdem publici viâ cognosci etiam potest discrimen quod inter homines & bruta intercedit. Observatu enim dignum est, nullos reperiri homines adeo hebetes & stupidos, ne amentibus quidem exceptis, ut non possint diversas voces aptè construere, atque ex iis orationem componere, quâ cogitationes suas patefaciant: Contra vero nullum esse aliud animal, quantumvis perfectum aut felici sidere natum, quod simile quidquam faciat. Hocque ex organorum defectu non contingit; videmus enim, picas & psittacos eadem quas nos voces proferre, nec tamen sicut nos loqui posse, hoc est, ita ut ostendant, se intelligere quid dicant. Cum nihilominus homines à nativitate surdi & muti, sive non minus, sed potius magis quam bruta, destituti organis quibus alii in loquendo utuntur, soleant propria industria quædam signa invenire quibus mentem suam aperiant iis quibuscum versantur, & quibus vacat linguam ipsorum addiscere. Istud autem non tantum indicat, bruta minore rationis vi pollere quam homines, sed illa planè esse rationis expertia. Videmus enim, exigua admodum opus esse ratione ad loquendum: & quia observatur ingenii quedam inæqualitas inter ejusdem speciei animantia, non minus quam inter homines, & alia aliis institutionis esse capaciora: non est credibile, simiam, aut psittacum, in sua specie perfectissimum, in eo infantem stupidissimum, aut saltem mente motum, æquare non posse, nisi ipsorum anima, naturæ à nostra planè discrepantis esset. Notandumque est, loquelam, signaque omnia quæ ex hominum instituto cogitationes significant, plurimum differre à vocibus & signis naturalibus quibus corporei affectus indicantur: nec cum veteribus quibusdam putandum, bruta loqui, sed nos ipsorum sermonem non intelligere. Si enim id verum esset, cum multis organis prædicta sint, iis quæ in nobis sunt analogis, mentem suam æquè nobis patefacere possent ac sui similibus. Singulari etiam animadversione dignum est, quod quantumvis multa sint animantia, quæ plus industria quam nos in quibusdam suarum actionum patefacent; eadem tamen nullam omnino in multis aliis demonstrare conspiciantur. Ita ut id quod melius nobis faciunt, non probet, ipsa esse ratione prædicta; inde enim sequetur,

tur, majorem in illis inesse rationem quam in ullo nostrum, eaque nos in omni etiam alia re debere superare: sed potius probat, ipsa, ratione esse destituta, & naturam in iis secundum organorum dispositionem agere: prout videmus, horologium ex rotis tantum & ponderibus compositum, æqualius quam nos cum omni nostra prudentia, horas numerare & tempora metiri.

Postea descripsoram animam rationalem, ostenderamque, eam nullo modo è materia potentia educi posse, sicut alia de quibus egeram, sed necesse esse, ipsam creari: Nec sufficere ut instar nautæ in navi, ipsa in corpore habitet, nisi forsan ad illius membra movenda; sed requiri ut cum ipso arctius jungatur uniatuerque, ad sensus & appetitus nostris similes habendos, & ita verum hominem componendum. Cæterum copiosior paulo huc fui in argomento de anima tractando, quod sit maximi ponderis. Nam post illorum errorem qui Deum esse negant, quem me satis supra refutasse opinor, nullus est qui facilis debiles animas à recto virtutis tramite avertat, quam si putent, brutorum animam ejusdem esse cum nostra naturæ; ac proinde nihil nobis post hanc vitam timendum aut sperandum superesse, non magis quam muscis aut formicis. Cum autem rectè cognoscitur quantum differant, multo melius postea capiuntur rationes quæ probant animam nostram naturæ esse planè à corpore independentis, & ex consequenti opus non esse ut cum ipso moriatur: ac denique quia nullæ animadvertuntur causæ, quæ eam destruant, natura ferimur ad judicandum ipsam esse immortalem.

Tertius autem nunc agitur annus, ex quo perveni ad finem tractatus quo ista omnia continentur, incipiebamque eum recognoscere, Quid re- ut postea typographo traderem; cum rescivi, viros, quibus multum quiri putet defero, & quorum authoritas non multo minus in meas actiones po- Author, ad test, quam propria ratio in cogitationes, opinionem quandam Phy- ulterius progredien- sicom improbassem, paulo ante ab alio in lucem editam; cui nolo dice- dum in Na- re me adhæsse, sed tantum nihil in illa ante ipsorum censuram obser- tura per- vasse, quod suspicari possem aut religioni aut reipublicæ noxiū esse; ne, quam scrutatio- nec proinde quod me impeditur fuisse ipsum tueri, si ratio veram hactenus semper studio curavi, ne ullis novis opinionibus fidem adhiberem, ad scriben- tiones ipsum. quarum demonstrationes certissimas non haberem, aut quidquam dum impu- scriberem quod in ullius damnum cedere posset. Hoc vero satis fuit lerint. ad me movendum ut à proposito illas evulgandi desisterem. Etiamsi enim rationes quibus ad cogitationes meas edendas inductus fueram validissimæ essent, genius tamen meus, qui semper à libris scriben-

## DISSERTATIO

34

dis abhorruit, fecit ut statim multas alias invenirem, quibus me ab illo labore suscipiendo excusarem. Et istae rationes ab utraque parte tales sunt, ut non solum mea eas hic recensere aliquatenus intersit, sed etiam fortasse reipublicæ literariæ illas cognoscere.

Nunquam ea magni feci quæ ab ingenio meo proficiscebantur, & quamdiu nullos alios ex ea qua utor Methodo fructus percepi, nisi quod mihi in quibusdam dubiis satisfeci ad scientias speculativas pertinentibus, aut meos mores componere conatus sum secundum rationes quas me docebat, non putavi me quicquam ea de re scribere teneri. Nam quod ad mores attinet, unusquisque adeo suo sensu abundant, ut tot possent inveniri reformatores quot capita, si aliis liceret, præterquam iis quos Deus supremos suorum populorum Rectores constituit, aut quos satis magna gratia & zeli mensura donavit, ut Prophetæ sint, aliquid in eo immutandum suscipere. Et licet speculations meæ valde mihi arriderent, credidi tamen, alios etiam habere suas, quæ forte magis adhuc ipsis placeant. Sed statim atque notiones aliquas generales, Physicam spectantes, mihi comparavi, earumque periculum facere incipiens in variis particularibus difficultatibus, observavi quoisque illæ me deducere possint, & quantum à principiis differant quæ hactenus in usu fuerunt; credidi, me eas occultas detinere non posse, absque gravi peccato adversus legem, jubentem ut, quantum in nobis est, generale omnium hominum bonum procuremus. Et iis enim cognovi, ad notitias vitæ valde utiles posse perveniri; & loco Philosophiæ illius speculativæ quæ in scholis docetur, posse Practicam reperiri, quæ cognitis viribus & actionibus ignis, aquæ, aëris, astrorum, cælorum aliorumque corporum quæ nos circumstant, adeo distinctè atque diversas opificum nostrorum artes novimus; adhibere pariter ea possemus ad omnes usus quibus inservire apta sunt; atque ita nos velut dominos & possessores naturæ efficere. Quod sanè esset optandum non tantum ad infinitorum artificiorum inventionem, quæ efficerent ut sine labore fructibus terræ, & omnibus ipsius commodis frueremur: sed præcipue etiam ad valetudinis conservationem, quæ sine dubio primum est hujus vitæ bonum, & cæterorum omnium fundamentum. Animus enim adeo à temperamento & organorum corporis dispositione pendet, ut si ratio aliqua possit inveniri, quæ homines sapientiores & ingeniosiores reddat quæ hactenus fuerunt, credam, illam in Medicina quæri debere. Verum quidem est, eam quæ nunc est in usu, pauca quorum adeò insignis sit utilitas continere. Sed quamvis ipsam contemnere nullo modo sit animus, confido tamen, nullum fore, etiam inter eos qui illam profitentur, qui non confiteatur, omnia quæ hactenus in ea inventa sunt, nihil propemodum esse, respectu eorum

quæ

quæ scienda adhuc restant: hominesque ab infinitis tam corporis quam animi morbis immunes futuros, imò etiam fortassis à senectutis debilitatione, si satis magnam causarum à quibus mala ista oriuntur, & omnium remediorum quibus natura nos instruxit, notitiam haberent. Cum autem proposuerim, totam meam vitam collocare in scientiæ adeò necessariæ investigatione, & inciderim in viam quæ mihi talis videtur, ut si quis eam sequatur, haud dubiè ad optatum finem sit perventurus, nisi aut brevitate vitæ aut experimentorum defectu impediatur: judicabam, nullum melius esse adversus duo ista impedimenta remedium, quam si fideliter publico communicarem id omne, quantumcunque esset, quod reperisse, & præclara ingenia incitarem, ut ulteriùs pergere contenderent, singulique quod in sua facultate esset ad experimenta facienda conferrent, atque etiam eorum omnium quæ addiscerent publicum particeps facerent, eo fine ut ultimi incipiendo ubi præcedentes desissent, & ita multorum vitas & labores conjungendo omnes simul longius progrederemur quam singuli privatim possent.

Quinetiam de experienciis observabam, eas tanto magis necessarias, quanto quis majorem notitiam est adeptus. Initio enim præstat iis tantum uti quæ sponte sensibus nostris occurront, & quas ignorare non possumus, si vel tantillum ad eas attendamus, quam rariores & astrusiores investigare. Cujus rei ratio est, quod rariores illæ sèpius decipient, quamdiu vulgatorum causæ ignorantur; circumstantiaeque à quibus pendent ferè semper adeò particulares & exiguae sint, ut observatu sint difficillimæ. Sed talem hac in re ordinem secutus sum: Primum conatus sum generatim invenire principia, seu primas causas omnium quæ sunt aut possent esse in mundo; ad Deum solum qui ipsum creavit attendendo, easque aliunde non educendo quam ex quibusdam veritatis seminibus, animis nostris à natura inditis. Postea expendi quinam essent primi & maximè ordinarii effectus, qui ex his causis deduci possent; videorque mihi hâc viâ cognovisse ccelos, astra, terram, imò etiam in terra aquam, aërem, ignem, mineralia, & quædam ejusmodi alia: quæ sunt omnium maximè communia, simplicissimaque, ac proinde cognitu facilima. Deinde cum volui ad particulariora descendere, tam multa diversa mihi occurrerunt, ut crediderim, opus esse ingenio plusquam humano, ad formas aut species corporum quæ in terra sunt, ab infinitis aliis quæ in ea possent esse, si Deo placuisset illas ibi collocare, dignoscendas, ipsasque deinde ad usum nostrum referendas; nisi per effectus causis obviam eamus, & multis particularibus experimentis adjuvemur. Deinde animo revolvens omnia objecta quæ unquam sensibus meis occurrerant,

dicere non verebor, me nihil in iis observasse, quod satis commodè per inventa à me principia explicare non possem. Sed confiteri me etiam oportet, potentiam Naturæ esse adeò amplam & diffusam, & principia hæc adeò esse simplicia & generalia, ut nullum ferè amplius particularem effectum observem, quem statim variis modis ex iis deduci posse non agnoscam; nihilque ordinariè mihi difficilius videri, quam invenire quo ex his modis inde dependeat. Hinc enim aliter me extricare non possum quām si rursus aliqua experimenta quæram, quæ talia sint, ut eorum idem non sit futurus eventus, si hoc modo quām si illo explicetur. Cæterum eosque nunc perveni, ut mihi satis bene videar percipere, quā ratione pleraque illorum sint facienda quæ huic fini inferire possunt. Sed video etiam, illa esse talia & tam multiplicia, ut neque manus meæ, neque fortunæ, etiamsi millecuplo maiores essent, ad omnia possent sufficere; prout autem deinceps plura aut pauciora faciendi copia erit, majores etiam, aut minores, in Naturæ cognitione progressus mihi promitto. Id quod in composito à me Tractatu declarare sperabam, ibique adeò clarè patefacere quænam exinde ad publicum utilitas esset redditura, ut eos omnes quibus commune hominum bonum est cordi, hoc est omnes revera, & non in speciem tantum honestos viros, inducturus essem tum ad mecum communicanda quæ jam fecissent experimenta, tum ad me juyandum in investigatione eorum quæ supersunt facienda.

Sed ab illo tempore aliæ mihi occurrerunt rationes, quibus ad mandam sententiam adductus sum, & ad cogitandum, me debere quidem pergere in scribendis omnibus iis quæ alicujus esse momenti putarem, statim atque eorum veritatem deprehendissem; idque non minore cum cura quām si ea in lucem edere vellem; tum ut tanto majorem haberem ea bene examinandi occasionem; Nam sine dubio accuratius semper id elaboratur, quod à pluribus lectum iri creditur, quam quod in privatum tantum usum scribitur; & sæpe quæ mihi visa sunt vera cum primum illa concepi, falsa esse postea cognovi cùm ipsa chartæ volui mandare; tum etiam ut nullam amitterem occasionem, publicam utilitatem quantum in me esset procurandi, & si mea scripta alicujus sint pretii, ii in quorum manus post obitum meum devenient, illis prout commodum videbitur uti queant: Sed me nullo modo permittere debere ut me vivo in lucem exirent, né vel oppositiones, & controversiæ quibus forte vexarentur, vel etiam qualicunque fama quam conciliare possent, aliquam mihi darent occasionem, tempus quod institutioni meæ destinaveram amittendi. Etiamsi enim verum sit, unumquemque teneri quantum in se est aliorum bonum procurare; illumque propriè nullius esse pretii qui nemini prodet; attamen verum etiam est, curas nostras

nostras ultra tempus præsens debere extendi , bonumque esse , omittere ea quæ fortè aliquam viventibus utilitatem essent allatura , eo fine ut alia faciamus quæ multo magis nepotibus nostris sunt profutura . Quemadmodum etiam dissimulare nolo , exiguum id quod hucusque didici , nihil ferè esse præ eo quod ignoro , & ad cuius cognitionem pervenire non despero . Eodem enim ferè modo agitur cum iis qui paulatim veritatem in scientiis detegunt , atque cum ditescentibus , quibus facilius est magna lucra facere , quām antea multo minora cum adhuc pauperes erant . Vel possunt cum exercituum præfectis conferri , quorum vires pro victoriarum ratione incrementa sumere solent , & quibus post cladem acceptam majore prudentia opus est ad residuas copias conservandas , quām cum prælio superiores fuerunt ad urbes & provincias occupandas . Verè enim is prælio decernit , qui conatur superare omnes difficultates & errores , à quibus impeditur ne ad cognitionem veritatis perveniat ; & prælio vincitur , qui de re alicujus momenti falsam opinionem admittit ; majoreque postea opus habet dexteritate , ad se in pristinum statum restituendum , quām ad magnos progressus faciendos cùm jam principia certa habet . Quod ad me attinet , si quas in scientiis veritates inveni , ( confido autem , ea quæ hoc volumine continentur , ostensura , me alias invenisse ) possum dicere , illas tantum esse consequentias , quinque aut sex præcipuarum difficultatum quas superavi , quasque pro totidem pugnis numero in quibus victoriam reportavi . Imo non verebor dicere , me putare , nihil mihi amplius deesse ut voti compos siam , quām duas aut tres ejusmodi obtainere ; & me non esse adeò estate provectum , quin secundūm ordinarium naturæ cursum satis mihi ad hanc rem otii superesse possit . Sed credo , me eò plus teneri temporis quod mihi restat parcum esse , quo plus spei illud bene collocandi habeo . Et multas procul dubio illud amittendi occasiones haberem , si meæ Physicæ fundamenta in lucem ederem . Etiam si enim omnia ferè adeò sint evidētia , ut opus tantum sit ea intelligere ad assentiendum ; nullumque inter illa sit , cuius demonstrationes dare posse non sperem ; attamen quia fieri non potest , ut cum omnibus aliorum diversis opinionibus conveniant , saepius me à proposito avocatum iri prævideo , oppositionum quas excitant occasionē .

Objici quidem potest , oppositiones istas utiles fore , cùm ut errores meos agnoscam , tum ut si quid boni habeam , alii majorem illius hac ratione intelligentiam consequantur ; & quia plures oculi plus vident uno , ut meis nunc uti incipientes , suis me vicissim inventis juvent . Sed etiam si me valde errori obnoxium agnoscam , & nunquam ferè fidam primis quæ mihi occurrunt cogitationibus ; experientia fa-

men quam habeo eorum quæ mihi objici possunt, impedit quo minus ullum inde fructum sperem. Jam enim sàpe expertus sum iudicia, tam eorum quos pro amicis habui, quàm aliorum quorundam, quibus me indifferentem esse putabam; quin etiam nonnullorum malignorum & invidorum, quos sciebam conaturos in apertum protrahere id quod amicitia velum ab amicorum oculis abscondebat. Sed raro accidit, ut aliquid mihi objectum sit quod nullo modo prævidissim, nisi id esset valde à meo argumento remotum; adeo ut fere nullum unquam offendiderim opinionum mearum Censorem, qui mihi non videretur aut minus rigidus, aut minus æquus me ipso. Sicut etiam nunquam observavi, veritatem aliquam, antea ignotam, disputationum Scholasticarum ope in lucem protractam fuisse. Nam unusquisque contendit vincere, plerumque potius ad verisimilitudinem, quàm ad rationum utrimque allatarum momenta attendi solet; & qui diu boni fuerunt advocati, non ideo postea meliores sunt judices.

Quod ad utilitatem, quam alii ex mearum meditationum communicatione percepturi essent, non posset etiam valde magna esse; quia nondum eas eosque deduxi, ut nulla supersint addenda, antequam ad proxim revocentur. Et puto me posse sine jactantia dicere, si quis earum perficiendarum sit capax, me potius eum esse quàm alium quemquam. Non quod ingenia in orbe esse non possint quæ meum multis parasangis superent; sed quia fieri non potest ut rem adeo bene concipiat & suam reddat, qui eam ab alio dicit, atque ille qui ipsummet eam invenit. Quod adeo in hac materia verum est, ut quamvis sàpe alias ex meis opinionibus explicaverim viris acutissimis, & qui me loquente eas videbantur valde distinctè intelligere; attamen cùm eas retulerunt, observavi, ipsos fere semper illas ita mutavisse, ut pro meis agnoscere amplius non possem. Quâ occasione posteros hìc oratos volo, ut nunquam credant, quidquam à me esse profectum, quod ipse in lucem non edidero. Et nullo modo miror absurdâ illa dogmata, quæ veteribus illis Philosophis tribuuntur, quorum scripta non habemus, nec propterea judico, ipsorum cogitationes valde à ratione fuisse alienas, cum habuerint præstantissima suorum sæculorum ingenia; sed tantum, eas nobis perperam fuisse relatas. Sicut etiam videmus, nunquam fere contigisse ut ab aliquo suorum sectatorum superatuerint. Et credo, fervidissimos eorum qui nunc Aristotelem sequuntur, se beatos putaturos si eum in naturæ cognitione æquarent; etiam sub hac conditione, ut postea nihil amplius addiscerent. In quo similes sunt hederæ, quæ nunquam contendit altius ascendere quàm arbores quæ ipsam sustinent; imò sàpe descendit, postquam ad fastigium usque sublata fuit. Mihi enim videntur etiam illi descendere, id est ali-

est aliquo modo se indoctiores reddere quam si à studiis desisterent, qui non contenti omnia ea scire quæ clare & dilucidè apud suum Authorem explicata sunt, volunt præterea illic invenire solutionem multarum difficultatum, de quibus ne verbo quidem meminit, & forte nunquam cogitavit. Attamen ipsorum philosophandi ratio valde comoda est ingenii infra mediocritatem positis. Distinctionum enim & principiorum quibus utuntur obscuritas, causa est ut de omnibus æquè confidenter loqui possint, ac si illa optimè novissent; & ita adversus subtilissimos acutissimosque omnia quæ dicunt defendere, ut falsi argui nequeant. Quia in re similes mihi videntur cæco, qui ut æquo Marte adversus videntem decertaret, cum in profundam & obscuram aliquam cellam deduxisset. Ac possum dicere, istorum interesse ut ab eisdem Philosophiæ quâ utor principiis abstineam. Nam cùm simplissima & evidentissima sint, idem propemodum facerem, ea luce donando, ac si alias aperirem fenestras, per quas lux in illam cellam ingrederetur, in quam ad pugnandum descenderunt. Imò neque præstantiora ingenia habent cur optent ea cognoscere. Nam si velint scire de omnibus loqui, & eruditioñis famam sibi comparare; eò facilius pervenient, si verisimilitudine contenti sint, qua sine magno labore in omni genere materiæ inveniri potest; quam veritatem investigando, quæ paulatim tantum in quibusdam patefit; & cum de aliis loquendum est, ad ingenuam ignorantiaꝝ suę confessionem impellit. Si verò paucarum aliquot veritatum notitiam præferant vanæ nihil ignorandi professioni, sicut proculdubio præferenda est, & meum institutum sectari velint, non opus habent ut quidquam ipsis amplius dicam præter id quod jam in hac dissertatione à me audierunt. Nam si ulterius quam fecerim progreendi sint capaces, multò potiori ratione erunt per se inveniendi id omne quod me hactenus invenisse puto; quoniam cum nihil unquam nisi ordine examinaverim, certum est, id quod mihi è tenebris eruendum restat, multò ex se difficilius & occultius esse, quam id quod antea reperire potui; & minor multò ipsis esset voluptas id à me quam à se ipsis discere. Præterquam quod habitus quem sibi comparabunt, facilia primum quærendo, & paulatim atque per gradus ad alia difficiliora transeundo, ipsis plus omnibus meis documentis profuturus sit. Sicut quod ad me attinet, si à juventute edoctus essem omnes veritates, quarum postea demonstrationes investigavi, & sine labore illas didicissem, opinor, me fortasse nunquam multo plures cognitum fuisse; saltem nunquam acquisitum fuisse habitum & facilitatem, qua me semper novas & novas inventurum spero, prout animum ad eas investigandum applicabo. Et ut verbo dicam, si quod in mundo est

do est opus, quod ita bene ab alio non possit absolvī, atque ab eo qui inchoavit, illud est in quo versor & labore.

Verum quidem est, quantum ad experimenta spectat quæ huic scopo inservire queunt, unum hominem illis omnibus faciendis non esse parrem. Sed nullas etiam alias utiliter adhibere posset manus, quam suas, nisi forte opificum, aut aliorum ejusmodi mercenariorum, quos lucris spes (magnæ efficacɪæ medium) impelleret ad accuratè faciendum omnia quæ ipsis præscriberet. Nam quod ad voluntarios attinet, qui curiositate aut discendi studio moti, sponte forsitan operas suas ei offerrent, præterquam quod ordinariè multa promittant & pauca præstent, nullumque unquam fere ipsorum propositum, finem optatum sortiatur; procul dubio vellent, operam suam compensari aliquarum difficultatum explicacione, aut saltem inutilibus comitatis officiis & sermonibus, in quibus sine magno detimento partem otii sui impendere possent. Et quod ad experimenta jam ab aliis facta, etiam si ea cum ipso communicare vellent, quod nunquam facturi sunt qui ipsa pro secretis habent, plerumque tot sunt committata circumstantiis, rebusque superfluis, ut inde veritatem elicere difficultimum illi foret. Præterquam quod omnia ferme adeo malè explicata invenirent, aut etiam falsa, (quia qui illa fecerunt, ea tantum in iis videre voluerunt, quæ principiis suis conformia putabant) ut si aliqua proposito ipsius accommoda essent, pretium tamen temporis æquare non possent, quod in delectu illorum faciendo impendendum esset. Adeo ut si quis esset in hoc terrarum orbe, quem constaret capacem esse maxima quæque, & in publicum utilissima inveniendi; & cā de causā cæteri homines omnibus modis eum adjuvare contenderent in proposito suo assequendo; non videam, eos aliud in ipsius gratiam facere posse, quam in experimenta quibus indigeret sumptus conferre; & de cætero impedire ne tempus ipsi ullius importunitate eriperetur. Sed præterquam quod non tantum mili tribo, ut aliquid extraordinarium polliceri velim, nec me adeo vanis cogitationibus pasco, ut putem, rempublicam multum mea consilia curare debere; non sum etiam adeo abjecto animo, ut à quolibet accipere vellem beneficium, cuius me indignum esse credi posset.

Omnis istæ considerations, simul junctæ, in causa fuerunt à tribus annis cur noluerim in lucem edere tractatum quem præ manibus habebam; imo ut statuerem, nullum alium quamdiu viverem publici juris facere, qui adeo generalis esset, aut ex quo Physices meæ fundamenta intelligi possent. Sed postea rursus duæ aliæ causæ fuerunt quæ me moverunt, ut hic particularia quædam specimina subjungerem, & publico aliquam actionum mearum consiliorumque rationem redderem. Quarum prima est, quod, si illud omitterem, multi qui resciverunt propositum quod ante habui scripta aliqua prælo subjiciendi, suspicari possent, causas propter quas

quas ab eo abstinerem, minus mihi honorificas esse quam revera sunt. Quamvis enim immodecè gloriam non appetam, aut etiam (si id effari licet) ab illa abhorream, quatenus ipsam contrariam esse judico quieti, quam supra omnia magni facio; attamen nunquam etiam studii actiones meas tanquam crimina occultare; aut multas præcautiones adhibui ut ignotus essem; tum quia credidisse aduersus me ipsum injurius esse, tum etiam quia id mihi inquietudinem aliquam attulisset, quæ rursum perfectæ animi tranquillitati quam quærebam aduersa fuisset. Et quia, dum me ita indifferenter habui inter innotescendi aut delitescendi curam, non potui impedire quin aliquatenus in ore hominum versarer, putavi debere me al-laborare saltem ne malè audirem. Altera ratio quæ me ad hæc scribendum compulit est, quod quotidie magis ac magis perspiciens moram quam patitur illud quod de me erudiendo cepi consilium, propter infinita experientia quibus indigo, & quæ sine aliena ope facere non possum, etiam si non adeo sufficiens sim ut sperem publicum in partem consiliorum meorum venire velle; attamen nolo etiam mihi adeo deesse, ut occasionem dem post victuris, mihi aliquando exprobrandi, me potuisse ipsis varia multo meliora relinquere quam fecerim, nisi nimium neglexisse ipsis significare, qua in re instituta mea possent promovere.

Et putavi, facile mihi esse eligere alias materias, quæ neque essent multis controversiis obnoxiae, neque me cogerent plura quam velim ex meis principiis exponere; & tamen satis clare patefacerent quid in scientiis præstare possim aut non possim. Quod an feliciter mihi successerit, aliis iudicandum relinquo; at pergratum mihi erit si examinentur; & ut tanto major sit ejus rei occasio, rogo omnes eos qui aduersus ea objectiones alias facere volent, ut eas ad meum bibliopolam mittant, à quo monitus, meum responsum eodem tempore adjungere conabor. Ista enim ratione lectores, utraque scripta simul videntes, tanto facilius de veritate judicium ferent. Non enim prolixia illis opponere responsa polliceor, sed tantum mea errata ingenuè, si agnoscam, confiteri, aut si ea animadvertere non possim, simpli-citer dicere quod putabo ad rerum à me scriptarum defensionem requiri; nulla addita novæ alicujus materia explicatione, ne me sine fine ab una ad aliam transire sit necesse.

Quod si quedam eorum, de quibus egi initio Dioptrices & Meteororum, prima fronte offendant, quia hypotheses voco, & nolle probare videor; rogo ut integri tractatus cum attentione legantur, & spero, hæsitantibus satisfactum iri. Rationes enim mihi videntur in iis tali serie connexæ, ut sicut ultimæ demonstrantur à primis quæ illarum causæ sunt, ita reciprocè primæ ab ultimis, quæ ipsarum sunt effecta, probentur. Nec est quod quis putet, me hic in vitium quod Logici Circulum vocant, incidere; nam cum experientia maximam effectuum istorum partem certissimam esse arguat,

causæ à quibus illos elicio, non tam iis probandis quam explicandis inser-  
viunt; contraque ipsæ ab illis probantur. Nec hypotheses alio fine vocavi,  
quam ut sciatur, confidere, me eas posse deducere ex primis illis veritatibus  
quas supra exposui; sed data opera noluisse facere, ad impedientum, ne quæ-  
dam ingenia, quæ uno die addiscere se posse putant ea in quibus alius viginti  
annos desudavit, statim atque illa ipsis uno tantum aut altero verbo aperui,  
(& quæ eo magis errori sunt obnoxia, minusque veritatis percipienda ca-  
pacia, quo subtiliora & alacriora sunt;) Inde possint occasionem arripere,  
absurdam aliquam Philosophiam illis principiis quæ pro meis habebunt, su-  
perstruendi, ejusque rei mihi culpa tribuatur. Nam quod ad opiniones atti-  
net quæ in solidum meæ sunt, nolo ipsarum novitatem excusare; quoniam si  
rationes quibus innituntur, bene perpendantur, confido, eas adeo simpli-  
cipes & sensui communī conformes inventum iri, ut minus extraordinariæ &  
paradoxæ videantur, quam ullæ alia quæ de iisdein argumentis possint habe-  
ri. Nec me etiam primum ularum Inventorem esse jačto, sed tantum, me  
nunquam illas pro meis adoptasse, vel quod ab aliis prius receptæ fuissent,  
vel quod non fuissent; verum unicam hanc ob causam, quod mihi eas ratio  
persuasisset.

Quod si artifices non ita cito possint executioni mandare inventionem in  
Dioptrica explicatam, non credo, ipsam idcirco culpari merito posse. Ma-  
gna enim dexteritate & exercitatione opus est ad machinas quas descripsi  
faciendas, & ita ut nulla circumstantia desit adaptandas; nec minus mirarer, si  
primo experimento id ipsis succederet, quam si quis unâ die eximiè testudi-  
ne canere addiscere posset, eo solo quod optimus canendi modus ipsi descri-  
ptus fuisset.

Cæterum nolo hic speciatim quidquam dicere de progressibus, quos de-  
inceps me in scientiis spero facturum, aut erga publicum ullo me devincire  
promisso, quod incertus sim implere nec ne valeam. Sed tantummodo di-  
cam, decrevisse me quod supereft vitæ tempus nulla alia in re collocare,  
quam in ejusmodi naturæ notitia mihi comparanda, è qua in Medicinæ usum  
certiores regulæ, quam hactenus exstiterint, deponni possint: Genium-  
que meum adeo ab omni alio propositi genere abhortere, præsertim quod  
aliquibus prodesse non possit, nisi aliis noceat; ut si occasione aliqua ad id  
sestandum adigerer, non credam me posse eximum quid in eo præstare.  
Quod hic aperte profiteor, etiamsi non ignorem, professionem hanc inuti-  
lem esse ad mihi autoritatem aut existimationem aliquam comparandam;  
quam etiam adeo non affecto, ut me semper magis illis devinctum arbitra-  
turus sim, quorum favore otio meo absque impedimento frui licebit, quam  
iis qui mihi dignitates amplissimas offerrent.